

ZAPISNIK
O RADU 16. RADNE SJEDNICE SKUPŠTINE KANTONA SARAJEVO ODRŽANE
10.06.2024.GODINE SA POČETKOM RADA U 10,00 SATI

Šesnaestu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 28 zastupnica i zastupnika, dok su se ostali priključili u toku sjednice.

Izostanak sa sjednice opravdali su zastupnici Sebija Izetbegović, Jelena Pekić i Ilijaz Pilav.

U skladu s naprijed iznesenim, prisustvo zastupnika 16. Radnoj sjednici je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Petrović Kristina
5. Vikić Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović – Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo
4. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

U radnom dijelu sjednice, predsjedavajući je istakao da je Prijedlog dnevnog reda 17. Radne sjednice Skupštine Kantona Sarajevo utvrdio Kolegij Skupštine na sjednicama održanim 24.05. i 06.06.2024. godine, kada je izvršena dopuna istog.

Pročitavši dnevni red, predsjedavajući je pozvao zastupnike da se izjasne o istom.

Nakon glasanja, konstatovano je da je Dnevni red 16. Radne sjednice Skupštine Kantona Sarajevo usvojen jednoglasno (s 25 glasova „za“), i isti glasi:

1. Poslanička/zastupnička pitanja inicijative i odgovori;
2. Prijedlog Odluke o davanju saglasnosti za osnivanje Srednjoškolskog medicinskog centra „European Medical College“ („Evropski medicinski koledž“) u Sarajevu;
3. Prijedlog Odluke o davanju saglasnosti Ministarstvu zdravstva Kantona Sarajevo za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica;
4. Prijedlog Odluke o izmjeni i dopunama Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo („Službene novine Kantona Sarajevo“, broj: 13/04, 11/06, 16/11 i 38/18);
5. Prijedlog Odluke o davanju saglasnosti za zaključenje Ugovora o zakupu poslovnog prostora - bolnički kompleks bivše Klinike za kožno - venerične bolesti „Dr. Ernest Grin“ za 2024. godinu između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice Kantona Sarajevo, Ministarstva zdravstva Kantona Sarajevo i Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“) kao zakupca kao zakupca;

6. Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o kupoprodaji nekretnina putem neposredne pogodbe sa City mansion d.o.o., označenog kao: k.č. br. 422/309 K.O. SP_Dolac, po starom premjeru, kojoj po novom premjeru odgovara k.č. br.1837/19 K.O. Novo Sarajevo III i k.č. br. 422/310 K.O. SP_Dolac, po starom premjeru, kojoj po novom premjeru odgovara k.č. br. 1845/13 K.O. Novo Sarajevo III, vlasništvo i posjed Zavoda za izgradnju Kantona Sarajevo;
7. Prijedlog Odluke o davanju saglasnosti za zaključivanje ugovora o zamjeni nekretnina između „Betanijacentar“ d.o.o. Sarajevo i Zavoda za izgradnju Kantona Sarajevo radi sporazumnog rješavanja prava vlasništva u skladu sa članom 23. Zakona o eksproprijaciji F BiH;
8. Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o zakupu zemljišta na lokalitetu Općine Novi Grad Sarajevo, ulica Bulevar Meše Selimovića bb, koji namjeravaju zaključiti Zavod za izgradnju Kantona Sarajevo kao zakupodavac i „Boston-company“ d.o.o. Sarajevo kao zakupoprimac;
9. Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o zakupu zemljišta na lokalitetu Općine Novi Grad Sarajevo, ulica Bulevar Meše Selimovića 16, koji namjeravaju zaključiti Zavod za izgradnju Kantona Sarajevo kao zakupodavac i „ASA NEKRETNINE BH“ d.o.o. Sarajevo kao zakupoprimac;
10. Prijedlog Odluke o davanju saglasnosti za zaključivanje Ugovora o zakupu između Zavoda za izgradnju Kantona Sarajevo i Unitic d.o.o. – Ujedinjena investiciona i trgovačka kompanija d.o.o. za zemljište označeno kao dio k.č. br. 902/2 i dio k.č. br. 902/52 K.O. Sarajevo VII, ukupne površine 1684,50 m² na period od 5 (pet) godina;
11. Prijedlog Odluke o davanju saglasnosti za zaključivanje Ugovora o kupoprodaji nekretnina između „Betanijacentar“ d.o.o. Sarajevo kao kupca i Zavoda za izgradnju Kantona Sarajevo kao prodavca radi oblikovanja građevinske parcele u skladu sa članom 363. stav (3) tačka 5) Zakona o stvarnim pravima Federacije Bosne i Hercegovine;
12. Prijedlog Odluke o davanju saglasnosti na Izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu sa Odlukom o izvršenju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu;
13. Prijedlog Odluke o davanju saglasnosti na osnivanje Naučnoistraživačkog instituta „Blum“ za računarske nauke i inženjerstvo, umjetnu inteligenciju i autonomne robotske sisteme, kao ustanove pod nazivom Naučnoistraživački institut „Blum“ za računarske nauke i inženjerstvo, umjetnu inteligenciju i autonomne robotske sisteme;
14. Prijedlog Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo – skraćeni postupak;
15. Prijedlog Zakona o odgoju i obrazovanju u osnovnoj i srednjoj školi u Kantonu Sarajevo;
16. Prijedlog Zakona o Registru finansijskih obaveza u Kantonu Sarajevo;
17. Nacrt Zakona o izmjenama i dopunama Zakona o sudskim taksama;
18. Prijedlog Odluke o usvajanju Programa uređenja građevinskog zemljišta i realizacije kapitalnih investicija za 2024.godinu;
19. Informacija Komisije za sigurnost Skupštine Kantona Sarajevo u vezi sa predmetom “Ammar Kapidžić”;
20. Prijedlog Odluke o davanju saglasnosti Upravi policije Ministarstva unutrašnjih poslova Kantona Sarajevo da prenese pravo vlasništva nad opremom (40 pištolja 9 mm koji se ne koriste) na Upravu policije Ministarstva za unutrašnje poslove Bosansko-podrinjskog kantona Goražde, bez naknade
21. Izvještaji o poslovanju Javnih ustanova iz oblasti socijale za 2023. godinu:

- a) Izvještaj o poslovanju Javne ustanove „Terapijska zajednica - Kampus Kantona Sarajevo“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - b) Izvještaj o poslovanju Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - c) Izvještaj o poslovanju Kantonalne javne ustanove „Odgojni centar Kantona Sarajevo“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - d) Izvještaj o poslovanju Javne ustanove „Kantonalni centar za socijalni rad“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - e) Izvještaj o poslovanju Kantonalne javne ustanove „Porodično savjetovalište“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - f) Izvještaj o poslovanju Kantonalne javne ustanove „Dom za djecu bez roditeljskog staranja“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - g) Izvještaj o poslovanju Kantonalne javne ustanove „Gerontološki centar“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
 - h) Izvještaj o poslovanju Javne ustanove „Služba za zapošljavanje Kantona Sarajevo“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
22. Prijedlozi odluka o davanju saglasnosti na Programe rada sa Finansijskim planovima za 2024. godinu Javnih ustanova iz oblasti socijale:
- a) Prijedlog Odluke o davanju saglasnosti na Program rada i Finansijski plan Kantonalne javne ustanove „Porodično savjetovalište“ za 2024. godinu;
 - b) Prijedlog Odluke o davanju saglasnosti na Program rada i Finansijski plan Kantonalne javne ustanove „Dom za djecu bez roditeljskog staranja“ za 2024. godinu;
 - c) Prijedlog Odluke o davanju saglasnosti na Program rada i Finansijski plan Javne ustanove „Kantonalni centar za socijalni rad“ za 2024. godinu;
 - d) Prijedlog Odluke o davanju saglasnosti na Program rada i Finansijski plan Javne ustanove „Terapijska zajednica - Kampus Kantona Sarajevo“ za 2024. godinu;
 - e) Prijedlog Odluke o davanju saglasnosti na Program rada i Finansijski plan Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ za 2024. godinu;
 - f) Prijedlog Odluke o davanju saglasnosti na Program rada i Finansijski plan Kantonalne javne ustanove „Gerontološki centar“ za 2024. godinu;
 - g) Prijedlog Odluke o davanju saglasnosti na Program rada i Finansijski plan Kantonalne javne ustanove „Odgojni centar Kantona Sarajevo“ za 2024. godinu;
 - h) Prijedlog Odluke o davanju saglasnosti na Program rada Javne ustanove „Služba za zapošljavanje Kantona Sarajevo“ za 2024. godinu;
23. Izvještaji o radu i finansijskom poslovanju Javnih ustanova iz oblasti kulture za 2023. godinu:
- a) Izvještaj o radu i finansijskom poslovanju Javne ustanove „Kamerni teatar 55“, Sarajevo za 2023. godinu;
 - b) Izvještaj o radu i finansijskom poslovanju Javne ustanove „Collegium artisticum“, Sarajevo za 2023. godinu;
 - c) Izvještaj o radu i finansijskom poslovanju Javne ustanove Muzej „Alija Izetbegović“, Sarajevo za 2023. godinu;

- d) Izvještaj o radu i finansijskom poslovanju Javne ustanove „Historijski arhiv Sarajevo“ za 2023. godinu;
- e) Izvještaj o radu i finansijskom poslovanju Javne ustanove „Muzej Sarajeva“ za 2023. godinu;
- f) Izvještaj o radu i finansijskom poslovanju Javne ustanove „MES – Međunarodni teatarski festival – Scena MESS“ za 2023. godinu;
- g) Izvještaj o radu i finansijskom poslovanju Javne ustanove „Pozorište mladih Sarajevo“ za 2023. godinu;
- h) Izvještaj o radu i finansijskom poslovanju Javne ustanove „Sarajevska filharmonija“ za 2023. godinu;
- i) Izvještaj o radu i finansijskom poslovanju Javne ustanove „Biblioteka Sarajevo“ za 2023. godinu;
- j) Izvještaj o radu i finansijskom poslovanju Javne ustanove „Narodno pozorište“, Sarajevo za 2023. godinu;
- k) Izvještaj o radu i finansijskom poslovanju Javne ustanove „Sarajevski ratni teatar - SARTR“ za 2023. godinu;
- l) Izvještaj o radu i finansijskom poslovanju Javne ustanove „Kantonalni zavod za zaštitu kulturno-historijskog i prirodnog naslijeđa, Sarajevo“ za 2023. godinu;
- m) Izvještaj o radu i finansijskom poslovanju Javne ustanove Bosanski kulturni centar Kantona Sarajevo za 2023. godinu.

Također, uz poziv za sjednicu, zastupnici su dobili sljedeći informativni materijal:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec januar 2024. godine;
- Informacija o ostvarivanju prava po osnovu nezaposlenosti u Kantonu Sarajevo u 2023. godini;
- Izvještaj Ministarstva pravde i uprave Kantona Sarajevo o provođenju Zakona o državnoj službi u Kantonu Sarajevo („Službene novine Kantona Sarajevo”, broj: 31/16 i 45/19) u organima uprave i službama Kantona Sarajevo za 2023. godinu;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec mart 2024. godine;
- Izvještaj Ministarstva privrede Kantona Sarajevo o realizaciji novčanih podsticaja u poljoprivredi na području Kantona Sarajevo za 2023. godinu, sa prilogom Spiskom kandidata koji su ostvarili pravo na novčani podsticaj u 2023. godini na području Kantona Sarajevo;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar - mart 2024. godine;
- Presuda Ustavnog suda Federacije Bosne i Hercegovine broj: U-21/23 od 12.03.2024. godine;
- Izvještaj Ministarstva za nauku, visoko obrazovanje i mlade Kantona Sarajevo, broj: 27-04-04-23888/24 od 29.04.2024. godine koji se odnosi na informacije resornih ministarstava Vlade Kantona Sarajevo u vezi sa implementacijom Strategije prema mladima Kantona Sarajevo za period 2019. - 2023. godine, koji je sastavni dio ovog zaključka.

TOK SJEDNICE

Realizacija prve tačke dnevnog reda.

Predsjedavajući je otvorio tačku dnevnog reda i dao riječ prvoj prijavljenoj zastupnici.

Zastupnica Fatima Gavrankapetanović-Smailbegović je podnijela sljedeće (citiramo):

„Ja danas imam inicijativu koji upućujem ministru zdravstva i ministru financija. Upućujem inicijativu ministru zdravstva i ministru financija Kantona Sarajevo da upute prijedlog prema Vijeću ministara Bosne i Hercegovine da se reguliše i uredi pitanje oslobađanja od plaćanja PDV-a na donirane lijekove u Bosni i Hercegovini. Svjedoci smo da nedostatka lijekova za onkološke pacijente i ostala teška oboljenja te ogromnu borbu tih pacijenata i traženja osnovnih ljudskih prava, to je pravo na liječenje u uređenim sistemima jeda dio problema rješava se kroz donaciju lijekova. Nažalost, kod nas se na donirane lijekove plaća porez, što otežava tu vrstu pomoći našim bolesnicima. Usvajanjem ove inicijative ne bi se značajno umanjio budžet Bosne i Hercegovine, a imalo bi ogromnu korist za živote i zdravlje naših građana. Također, imam dva pitanja za ministra zdravstva, dr Enisa Hasanovića. Prvo pitanje da li su poduzete neke mjere da se riješi problem nedostatka Metotreksata kojeg nema unazad dva mjeseca. I drugo pitanje je, također, za ministra zdravstva, dr Enisa Hasanovića, da li se nešto poduzelo da se obezbijedi biološka terapija za 60 pacijenata koji su oboljeli od reumatoidnog artritisa, a još uvijek se nalaze na listi čekanja?“

Zastupnik Faruk Selmanović je podnio sljedeće (citiramo): „Za danas imam dvije inicijative. Prva inicijativa tražimo znači od Kolegija, odnosno od Skupštine, da na narednoj sjednici Skupštine Kantona Sarajevo kao posebnu tačku dnevnog reda razmatra učešće kompanije i drugih privrednih subjekata iz Bosne i Hercegovine u organizaciji Vlade Kantona Sarajevo na sajmu Expo 2020.godine održanog u Dubaiju. Da nam za tu tačku Ministarstvo privrede Kantona Sarajevo sačini i blagovremeno dostavi i detaljnu i dokumentovani izvještaj o učešću kompanija, turističke zajednice i drugih privrednih subjekata iz BiH koji su u organizaciji Vlade Kantona Sarajevo sudjelovali u sajmu Expo 2020 godine. I tačno pobrojani izvještaji koji bi trebali da dobijemo. Vlada Kantona Sarajevo 2020. godine je organizovala učešće kompanije i Turistički zajednice iz BiH na sajmu Expo 2020. godine koje je održano u Dubaiju, a na konferenciji 12. oktobra. 2021 godine premijer Kantona Sarajevo, ministar privrede Kantona Sarajevo su domaćoj javnost prezentirala aktivnosti i očekivanja od učešće bosansko-hercegovačkih poduzetnika na međunarodnom sajmu Expo 2020.godine. Uvažavajući činjenice da je sajam Expo završen 31. marta 2022.godine godine, kao i činjenicu da je Vlada Kantona Sarajevo obećala transparentno informisati javnost u učešću kompanija, Turističke zajednice i drugih privrednih subjekta iz BiH na sajmu Expo 2022. godine i ostvarenim efektima, a da to do danas nije učinjeno, podnosim ovu inicijativu. Podsjećam da je ministar privrede Adnan Delić na sjednici Skupštine Kantona Sarajevo, koja je održana 6. 7. 2022 godine, odgovorio na upit zastupnice Amre Hasagić gdje je rekao da trenutno po području Kantona Sarajevo se realizuju investicije koje su došle putem Expa u vrijednosti od 200 000 000 konvertibilnih maraka, što znači da su nam se ta investicija višestruko isplatila, a shodno, a mogu slobodno da kažem da već pregovaramo sa nekim investitorima gdje je jedna investicija 500 000 000, a druga blizu 100 000 000 konvertibilnih maraka. Smatram da domaća javnost, a posebno građani Kantona Sarajevo, čijim novcem je financirano učešće kompanije i drugih poslovnih subjekta iz BiH na sajmu Expo 2020. imaju pravo biti informisani o karakterima, investicijama i projektima koji su realizovani il će biti realizovani kao rezultat učešća na sajmu Expo 2020. godine? To je jedna inicijativa. I drugu inicijativu podnosim, odnosno dostavljam Deklaraciju o osudi napada na energetska nezavisnost Kantona Sarajevo i Bosne i Hercegovine kao prijedlog za usvajanje na ovoj Skupštini. Kanton Sarajevo, uključujući domaćinstva i malu privredu je najveći potrošač prirodnog plina u Bosni i Hercegovini, i to preko 70 % ukupno uvezenog prirodnog plina, se plasira na tržište Kantona Sarajevo. Prirodni plin predstavlja osnovni energent za zagrijavanje

domaćinstava, kako individualnog, tako i kolektivnog stanovanja u KS. A kao jedan od ključnih energenata za privremene djelatnosti. Južna plinska interkonekcija trenutno je jedini privredni ekonomski opravdan projekat koji bi garantovao nezavisnost Kantona Sarajevo, a samim tim i Bosne i Hercegovine, od monopola autoritativnog režima Ruske Federacije za opskrbu prirodnog plina.

Zastupnica Sanela Klarić je podnijela sljedeće (citiramo): „Za danas imam dvije inicijative. Prva inicijativa se upućuje Ministarstvu za komunalne, komunalne privrede i infrastrukture, prostornog uređenje, građenja i zaštite okoliša, kao i Kantonalnom zavodu za zaštitu kulturnog- istorijskog prirodnog naslijeđa, Zavodu za izgradnju i Gradu Sarajevu. Naime, Kanton Sarajevo je usvojio Zeleni akcioni plan. Jedan je od 100 odabranih gradova Europe koji se obavezao da će do 2030. godine kroz projekte održivog razvoja i cirkularne ekonomije ostvariti ciljeve potpune dekarbonizacije. Iz tog razloga znamo da u ovom momentu promovišemo obnovu fasade na zgradi Narodnog pozorišta i Vlada Kantona Sarajevo zajedno sa Gradom Sarajevom radi na tom projektu, međutim, bilo bi važno da ne obnavljamo samo fasadu radi estetskih razloga, nego da ove ovakve projekte i ovakve objekte, koji su i zaštićeni kao historijsko kulturno naslijeđe, da budu također tretirani i kao projekti energetske efikasnosti i zelenog certificiranja, da se uvedu i mjere kako energetske efikasnosti, tako i obnovljivih izvora energije i cirkularne ekonomije. Iz tog razloga u ovom momentu, iako je pripremljena tenderska dokumentacija sa aneksom i malom izmjenom, da se, umjesto da se u ovoj fazi projekta umjesto planiranih jednostrukih prozora sa dvostrukim ostakljenjem ugradimo prozore sa trostrukim ostakljenjem. Znači, sa ovim aneksom bi se samo na neki način promijenila ova stavka i sa ovakvim prozorima bismo u narednoj fazi ostvarili energetske efikasnosti, a s druge strane bi sa ostalim mjerama u drugoj i trećoj fazi ovaj objekat po posljednjim praksama koji se primjenjuje u Europskoj uniji, približili i ovom zahtjevu energetske efikasnosti. Druga inicijativa je prema Ministarstvu financija Kantona Sarajevo da krene sa pripremanjem provođenja zelenih javnih nabavki od sljedeće godine, na način da koristi najbolje prakse koje se koriste u Europskoj uniji, jer zelene javne nabavke su obaveze Bosne i Hercegovine u procesu pridruživanja Europskoj uniji. Kanton Sarajevo upravo zbog ovog što smo rekli da je usvojio i Zeleni akcioni plan i da je jedan od 100 odabranih gradova od 2030 godine, koji trebaju biti potpuno dekarbonizovani, važno je da ovo Ministarstvo zajedno sa Vladom Kantona Sarajevo, pripremi sve da možemo od sljedeće godine koristiti prakse zelenih javnih nabavki i tako pomoći i sa tim praksama da ostvarimo ove ciljeve.”

Dopredsjedavajuća Danijela Kristić je podnijela sljedeće (citiramo): „Podnosim inicijativu da Ministarstvo odgoja i obrazovanja propiše i usvoji protokol u svim obrazovnim ustanovama vezano za specifičnost hroničnog oboljenja Dijabetes TIP 1. Podnosim inicijativu da Ministarstvo zdravstva Kantona Sarajevo propiše sadržaj seta prve pomoći i izvrši nabavku za sve predškolske, osnovnoškolske i srednjoškolske ustanove u Kantona Sarajevo.“

Zastupnica Vedrana Vujović je podnijela sljedeće (citiramo): „Ja ću evo iskoristiti ovo vrijeme, ove 3 minute da uputim zastupničko pitanje, odnosno provjerim status zastupničke inicijative koju sam uputila još u februaru mjesecu, a tiče se subvencioniranja stanova, odnosno poticaja iz javnog poziva od prošle godine. Naime, moja zastupnička inicijativa koja glasi, upućujem je Vladi Kantona Sarajevo da u drugoj polovini '24. godine, odnosno prilikom izrade Rebalansa budžeta Kantona Sarajevo za '24. godinu ili preraspodjele sredstava, predvidi sredstva u iznosu od približno 5,5 milijuna maraka za isplatu razlike iznosa pojedinačne subvencije za rješavanje stambenog pitanja mladih po javnom pozivu iz 2023.godine u visini od deset hiljada maraka. Ovo pitanje postavljam iz razloga jer, naime, nisam dobila odgovor, a prije samog, prije nego što budem, potencijalno i tražila izjašnjenje Skupštine o ovakvoj jednoj inicijativi, evo, zahtijevam odgovor premijera i resornog ministra, to prvenstveno. A imam potrebu da, evo, iskoristim ovu priliku da imajući u vidu da i mi svi zastupnici koji smo uputili iste ili slične inicijative u proteklom periodu kada je u pitanju rješavanje stambenog pitanja mladih veliki broj

upita i dobivamo. Tako da, evo, ja ću zamoliti premijera ili resornog ministra da mi na ovo pitanje odgovori, a sve ostale zastupničke inicijative koje sam pripremila dostavit ću pismeno.“

Zastupnica Arijana Memić je podnijela sljedeće (citiramo): „Ja sam već u više navrata upućivala pitanje Upravi policije koja se odnosi na policijskog službenika Hasana Dupovca, odnosno na činovanje pomenutog policijskog službenika. Naime, taj policijski službenik je činovan u novembru 2022. godine, gdje Zakonom o policijskim službenicima Kantona Sarajevo i važećim Pravilnikom o unapređenju, nije mogao biti činovan jer je bio na suspenziji. Dobila sam nepotpun odgovor bez precizne potvrde i o tome da li je izvršena bilo kakva provjera, da li je procedura činovanja Hasana Dupovca urađena u skladu s propisima? Ponovo naglašavam da se policijski službenici ne mogu činovati za vrijeme suspenzije, ali je to, nažalost, u ovom konkretnom slučaju učinjeno. Ovo govorim kako bi prije svega slikovito objasnila kako se u predmetu Hasana Dupovca postupalo u ranijem periodu, stoga ponovo upućujem pitanje Upravi policije MUP-a Kantona Sarajevo, s obzirom da sada raspolazem informacijom da je Hasanu Dupovcu uručeno rješenje o prekobrojnosti. U pogledu na to rješenje, tražim da mi dostavite informaciju o tome da li je uložena žalba, da li je ista uložena blagovremeno, da li je doneseno drugostepeno rješenje i ako jeste, da li je doneseno u za to zakonski određenom roku.

Pitanje za Ministarstvo unutrašnjih poslova Kantona Sarajevo. Prema članu 124. Zakona o policijskim službenicima Kantona Sarajevo nadzor nad provođenjem ovog Zakona i podzakonskih akata koji se donose na osnovu ovog Zakona vrši Ministarstvo, stoga tražim da mi dostavite informacije o tome da li je Uprava policije MUP-a Kantona Sarajevo, u skladu sa zakonom, donijela rješenje o prekobrojnosti za policijskog službenika Dupovac Hasana, da li je uložena žalba, da li je ista uložena blagovremeno, u kojoj je fazi upravni postupak, da li je doneseno drugostepeno rješenje, te koji je konačni ishod postupka. Također sam prije više od mjesec dana Agenciji za zaštitu ličnih/osobnih podataka Bosne i Hercegovine uputila pitanje, a radi se o sljedećem tražim, dakle, informacije o tome da li se rukovodilac policijskog organa, policijski komesar Uprave policije MUP-a Kantona Sarajevo, odnosno organ uprave, Ministarstvo unutrašnjih poslova Kantona Sarajevo može pozvati na Zakon o zaštiti ličnih podataka i ako da, u kojim uslovima, na neodgovaranje na pojedinačna pitanja koja sam postavila prvo u pismenoj formi 26.02., zatim i na sjednice održanoj 29. 3. Radi se, dakle, o informacijama da li su imenovani policijski službenici, nagrađivani i raspoređeni na druga radna mjesta, unaprijeđeni, te da li su uključeni u neke komisije. Dakle, nakon više od mjesec dana nisam dobila odgovor na ovo pitanje, stoga ga ponovno upućujem i po ko zna koji put podsjećam, dakle Upravu policije, da mi dostavi odgovore na pitanja još iz februara mjeseca. Ja zaista ne mislim odustati od tih odgovora i ponavljat ću ih koliko god je to potrebno, sve dok iste ne dobijem.“

Zastupnik Redžo Lemezani je podnio sljedeće (citiramo): „Za danas dvije inicijative. Prva inicijativa ide prema IDDEA i ona je za promjenu roka važenja putnih isprava za djecu mlađu od 3 godine. Znači prijedlog je, odnosno inicijativa za skraćivanje roka važenja putnih isprava za djecu mlađu od 3 godine, sa 3 godine na jednu godinu. Zašto je to potrebno? Ima više razloga. Jedan od razloga je, naravno, trgovina djecom, nažalost, trgovina djecom je globalni problem. Smanjenje roka važenja putnih isprava za djecu može pomoći u suzbijanju ovog problema omogućavajući češću provjeru i ažuriranje identiteta. Drugi razlog je brže fizičke promjene kod djece. Djeca u ovoj dobnoj skupini prolaz je kroz brze i značajne fizičke promjene, što otežava značajno njihovo prepoznavanje na temelju fotografija koje su nekoliko godina stare. Godišnja ažuriranje putnih isprava omogućio bi preciznije i aktuelnije fotografije koje olakšavaju prepoznavanje djece. I, naravno, treći je sigurnost identifikacija. Znači češće obnavljanje putnih isprava poboljšalo bi sigurnost i točnost identifikacijskih podataka smanjujući rizik od zloupotrebe i osiguravajući sigurno bolju zaštitu djece. Vidimo da u regionu ima puno problema što se tiče ovih stvari i pitanje je dana kada će se nešto desiti slično i kod nas, tako da mislim da bi na ovakav način mogli preventivno djelovati. Druga inicijativa je za izgradnju mekteba na parceli

u vlasništvu Fonda za izgradnju stanova za porodice šehida i poginulih boraca Kantona Sarajevo. Ovim putem podnosim inicijativu prema pomenutom Fondu da iznađu način za izgradnju mekteba na parceli koja se nalazi odmah u njihovom vlasništvu, a nalazi se pored džamije na Stupu, u ulici Hifzi Bjelavci, te da u suradnji sa Islamskom zajednicom riješi imovinske procedure potrebna za realizaciju ovog projekta. Zašto ovo podnosim? Zato što je potreba zajednice, naselje Stup je veliko nasilje koje je zadnjih godina sigurno doživjelo veliku ekspanziju i priliv stanovništva. Na toj mjesnoj zajednici nema mekteba. Također, ta optimalno korištenje parcele, ta parcela koja se nalazi bukvalno tik pored navedene džamije, ne vjerujem da se i za šta drugo može iskoristiti, tako da, evo, pozivam Fond da uđe u pregovore sa džematskim odborom i Islamskom zajednicom kako bi to riješili.”

Zastupnica Elza Gaković je podnijela sljedeće (citiramo): „Ja ću za danas imati dvije inicijative i jedno zastupničko pitanje koje podnosim zajedno sa kolegicom Kristić. Naime, glukometar je registrovano medicinsko sredstvo na osnovu kojeg se dozira inzulinska terapija. U maju prošle godine predstavnici Udruženja oboljelih od Dijabetes tipa 1 imali su sastanak sa premijerom Federacije Bosne i Hercegovine i direktoricom Zavoda zdravstvenog osiguranja i reosiguranja Federacije Bosne i Hercegovine, ministrom zdravstva Federacije Bosne i Hercegovine te predstavnicima Agencije za lijekove i medicinska sredstva Bosne i Hercegovine, na kojem je obećano da će nadležne institucije naći načina da ove neadekvatne glukometre koje trenutno imamo stave van prometa i osiguranicima obezbijede nove. Međutim, to se nije desilo ni do dan danas. U domovima zdravlja i dalje imamo isporuku i podjelu aparata, odnosno glukometra Medizajn gh 82, koji, obzirom da jednostavno ima ogromna odstupanja u svojim mjerenjima, velika je opasnost za novootkrivene slučajeve Dijabetes tipa 1 i za ostalu djecu, naravno, koja su oboljela od Dijabetesa tipa 1. Ja danas podnosim inicijativu sa ciljem zaštite djece na području Kantona Sarajevo kao najranjivije skupine društva, da, Vlada Kantona Sarajevo u okviru svojih nadležnosti uputi apel prema Vladi Federacije Bosne i Hercegovine zašto je do sada izostala ova obećana reakcija, stavljanja van snage ovih neadekvatnih glukometara i nabavke novih, adekvatnih. I imamo pitanje da li je Vlada Federacije Bosne i Hercegovine planira poduzeti bilo šta po ovom pitanju, obzirom da do sada evo reakcije i nemamo. Drugo, druga moja inicijativa odnosi se na senzore. Senzori i njihova preciznost posebno su bitni kada je u pitanju hipoglikemijska koma, pogotovo kod djece, omogućavaju da sami oboljeli i članovi njihove porodice djeluju na vrijeme i spriječe eventualne kome. Prema navodima medicinskog osoblja sa Endokrinološkog odjela Pedijatrijske klinike Jezero, otkako je kroz sistem refundiranja od strane Zavoda zdravstvenog osiguranja Kantona Sarajevo omogućeno korištenje Libre i Dexcom senzora kod djece, broj slučajeva hipoglikemijske kome, a samim tim broja hospitalizacija, sveden je na minimum. Stoga imamo nemjerljiv značaj da ovu grupu stanovništva zaštitimo kroz registraciju ovog preciznog senzora. I u razgovoru sa članovima Udruženja oboljelih od Dijabetes tipa 1 došli smo do saznanja da oboljeli od Dijabetes tipa 1 u Kantonu Sarajevo uglavnom koriste (nerazumljivo) Libre 2 i 3 Dexcom senzore koji nisu registrovani u Bosni i Hercegovini. Nažalost, članovi i njihove porodice moraju ići u inostranstvo po nabavku ovih neophodnih senzora za normalan život njihove djece i evo pitanje ide, da li su se vodili pregovori oko registracija ovih senzora u Bosni i Hercegovini, navedenih senzora, a ako nisu se vodili razgovori o registraciji, molim i iniciram, zajedno sa kolegicom Kristić da se poduzmu sve moguće mjere kako bi se ovi senzori registrovali i u Bosni i Hercegovini.“

Zastupnik Samir Avdić je podnio sljedeće (citiramo): „Moja inicijativa će biti upućena prema Vladi Kantona Sarajevo na čelu sa primjerom Nihadom Ukom i Ministarstvu za visoko obrazovanje i mlade na čelu sa dr. Adnom Mesihović. U stvari se više radi i o svojevrsnom apelu, odnosno molbi da pokažemo solidarnost prema situaciji u kojoj se trenutno nalaze radnici i radnice Nacionalne i univerzitetske biblioteke Bosne i Hercegovine. Ja neću posebno posebno podsjećati na značaj te najveće i najznačajnije bosansko -hercegovačke biblioteke, već ću sve nas

ovdje podsjetiti na posebni Zakon o sufinanciranju 7 institucija od značaja za Bosnu i Hercegovinu koji smo, koji je jednoglasno usvojen na Vladi Kantona Sarajevo, a također je i usvojen i jednoglasno kada su u pitanju prisutni u Skupštini Kantona Sarajevo nedavno prije nekih mjesec dana. U tom Zakonu koji smo usvojili, predviđeno je, predviđene su određene obaveze Ministarstva kulture i sporta Kantona Sarajevo i Ministarstva za visoko obrazovanje i mlade Kantona Sarajevo. S tim u vezi, Ministarstvo kulture i sporta Kantona Sarajevo je izradilo pravilnik kroz koji je omogućilo isplatu neto plata, a u iznosu od 1050. konvertibilnih maraka za sve radnike linearno u 5 institucija kulture od značaja za Bosnu i Hercegovinu: Zemaljski muzeji je nastavljen, nastavljeno je financiranje putem Rektorata, dok nam je preostalo da uredimo, evo nekim podzakonskim aktom, odnosno pravilnikom, sufinanciranje Nacionalne i univerzitetske biblioteke Bosne i Hercegovine. Radnici i radnice te Biblioteke već četvrti mjesec rade bez plata, zdravstveno im ističe u junu, s obzirom da su iz sredstava drugog projekta uplatili prije 2,5 mjeseca zdravstveno svojim radnicima. Kroz javni poziv Ministarstva kulture i sporta u prošloj sedmici im je odobreno 57 300. Međutim, ta sredstva također ne mogu ići za plate, već za projekte. Ovim putem se zahvaljujem Ministarstvu kulture i sporta i na odobrenih 300 000 konvertibilnih maraka za Zemaljski muzej Bosne i Hercegovine. U očekivanju smo objavljivanja javnog poziva na federalnom nivou od strane Ministarstva obrazovanja i nauke Federacije Bosne i Hercegovine, međutim taj poziv još uvijek nije objavljen, a i kada bude objavljen, na osnovu prethodnih iskustava, možemo pretpostaviti da će odobrena sredstva biti operativna tek u septembru ove godine. Mi smo iz SDP-a i predložili usvajanje jednog posebnog zakona upravo da bismo bili u mogućnosti da pomognemo ove institucije u prvih u prva dva kvartala godine, s obzirom da sredstva sa federalnog nivoa, a posebno sredstva iz Ministarstva civilnih poslova Bosne i Hercegovine, dobijaju tek u drugoj polovini godine. Moja inicijativa je da ovo Ministarstvo usvoji pravilnik na način kako je to uradilo Ministarstvo kulture, a da Vlada određenom preraspodjelom sredstava obezbijedi potrebna sredstva za pomoć ovoj instituciji.“

Zastupnica Marijela Hašimbegović je podnijela sljedeće (citiramo): „Za današnju sjednicu pripremila sam 3 inicijative i 2 zastupnička pitanja, iskoristit ću svojih 3 minute za eventualno 2 inicijative koje ću prezentirati. Upućujem Ministarstvu zdravlja i Ministarstvu za rad i socijalnu politiku, izbjeglice i raseljena lica inicijativu radi izmjene i dopune Zakona o socijalnoj zaštiti i zaštiti civilnih žrtava rata i zaštiti porodice sa djecom, kako bi djeci koji su žrtve nasilja, zlostrovanja, zanemarivanja i trgovine ljudima u Kantonu Sarajeva omogućili pravo na zdravlje i zdravstveno osiguranje. Naime, aktualni zakon ne štiti ovu kategoriju djece samo zbog toga što su žrtve, ne svojom krivicom, i nisu u prilici da redovno pohađaju osnovnu školu. Pravo djeteta na zdravstveno osiguranje mora biti bezuslovno osigurano u svakom djetetu i ne smije se uslovljavati ostvarivanjem nekog drugog prava. Konvencija o pravima djeteta obavezuje države članice, uključujući i Bosnu i Hercegovinu, da obezbijedi da svako dijete od rođenja do navršanih 18 godina života mora uživati najviši mogući nivo zdravstvene i medicinske zaštite i rehabilitacije. Presuda Ustavnog suda Federacije navodi da je pravo na zdravstvenu zaštitu, kao univerzalno pravo na nivo Federacije, uređeno nizom propisa u kojima je evidentno da se djetetom smatra svako lice od rođenja do punoljetstva i da su mu pružena ista prava zdravstvenog osiguranja i zdravstvene zaštite kao zdravstveno osiguranoj djeci, bez obzira na njihov status i činjenicu da li su učenici osnovnih škola. Ja sam, naime, upućena da je uvažena ministrica po ovom pitanju već pokrenula određene aktivnosti, ali imala sam potrebu da o ovom pitanju na neki način diskutujemo i na Skupštini, odnosno da se čuje izvjestan glas podrške. Također, upućujem inicijativu Upravi policije Ministarstva unutrašnjih poslova Kantona Sarajevo radi formiranja posebnog odjeljenja za borbu protiv trgovine ljudima, kojeg će činiti specijalizirani tim stručnjaka osposobljenih za prepoznavanje, istraživanje i procesuiranje slučajeva trgovine ljudima. Ova preporuka je u skladu sa izvještajima međunarodnih tijela za praćenje stanja trgovine ljudima u Bosni i Hercegovini, Američki Sekretarijat vanjskih poslova, Komitet za praćenje primjene Konvencije o borbi protiv trgovine ljudima. Naime, problem eksploatacije djece i odraslih se

svakim danom usložnjava. Svjesni smo da se maloljetna i punoljetna lica svakodnevno organizirano dovoze i eksploatišu na ulicama Kantona Sarajevo, posebno u svrhu prosjačenja. Trgovina ljudima je složeno krivično djelo na čijem otkrivanju moraju da rade posebno obučeni certificirani policijski službenici. Trenutno u Sektoru kriminalističke policije postoji 8 odjeljenja za određene vrste kriminaliteta, ali ni jedno odjeljenje nije specijalizirano za borbu protiv trgovine ljudima. Zbog toga u Kantonu Sarajevo imamo zanemarljiv broj otkrivenih i procesuiranih slučajeva ovo krivičnog djela“

Zastupnik Muamer Bandić je podnio sljedeće (citiramo): „Evo, kolega Avdić je malo dotakao se ove teme i zahvaljujem se, koja je vezana za Nacionalnu i univerzitetsku biblioteku. Ja sam dobio također od zaposlenika te ustanove jedan e-mail u kojem oni, dakle, izražavaju i negoduju svoj status. Naime, oni su se obraćali svim nivoima vlasti i upozoravali sve nosioce vlasti na svim nivoima da je skoro došlo do zatvaranja ove institucije. I obzirom na to da niko nije imao namjeru, jel da se bavi ovim problemom, ti ljudi su prepušten sami sebi. Prema njihovim navodima, dakle, oni 4 mjeseca rade bez naknade plate, a nije mi nikakve naznake da li će dobiti sve zarađene plate. Ono što ističu jeste da se najviše obraćali ministrici Mesihović kojoj pripada ovo ministarstvo, ali i ministru Magodi koji im je obećao jel kroz da će se uključiti Nacionalna univerzitetska biblioteka u Zakon o privremenom financiranju institucija od značaja za BiH i ko što se uključilo zaista u Zakonu, a i da im je obećano da će se prebaciti od 150 do 200 000 konvertibilnih maraka za pomoć Biblioteci. Međutim, to se još nije desilo. I evo da, ja bih zaista zamolio ministricu, dakle, da preduzme sve aktivnosti. Donijeli smo Zakon ovdje, stali smo iza tog Zakona, bez obzira kakav je i iskazali opredjeljenje dakle, da ti zaposlenici, dakle, primaju naknadu, da ljudi ne rade bez naknade. I ukoliko je već Skupština usvojila takvu vrstu zakona, odnosno propisa i ukoliko je Ministarstvo sporta i kulture donijelo određene pravilnike, ja bi zaista zamolio ministricu visokog obrazovanja da preduzme one aktivnosti koje su u njenoj nadležnosti, da na taj način ljudima osigura platu. Drugo pitanje je za premijera. Premijeru, možete li mi dati informaciju kada će se imenovanje državnog službenika na poziciju šefa Ureda za zakonodavstvo u Uredu za zakonodavstvo Kantona Sarajeva okončati? Obzirom da se ne radi o političkom imenovanju već se radi o mjestu državnog službenika, odnosno iz kojih razloga se do sada nije okončala procedura imenovanja šefa Ureda za zakonodavstvo, ako je cjelokupna procedura od strane Agencije za državnu službu Federacije BiH završena početkom februara ove godine. Kako postoje, dakle, indicije u Kantonu Sarajevo i neki od direktora hvale se da su stopirali imenovanje državnog službenika na ovu poziciju, da li tzn. da će politički ili lični razlozi nekih direktora odlučiti o ovoj poziciji i do kad će ona ostati upražnjena, a zakon i Vlada prave se i neće da poštuju propise. Ova pozicija je jako bitna, te kako nije popunjena već duži vremenski period na tom radnom mjestu nikako ne može biti nitko i nikakva politička figura sa kojom će se manipulirati i u kojoj će vladajuće stranke određivati svoju politiku, već, državni službenik koji će profesionalno obavljati jako značajnu funkciju, a koja je u interesu Skupštine Kantona Sarajevo, kao i svih građana Kantona Sarajevo. Obzirom da Ured za zakonodavstvo daje mišljenje na sve nacrt te prijedloge zakona, drugih propisa i općih akata koji, između ostalog, donosi Skupština Kantona Sarajevo, dakle, zahtijevam da se provedena procedura ispoštuje i okonča, a ne da dopustite neke tamo direktore da imaju utjecaja da li netko može biti ovaj šef Ureda za zakonodavstvo ili ne može.“

Zastupnik Jasmin Šaljić je podnijela sljedeće (citiramo): „Imao sam pitanja za Ministarstvo unutrašnjih poslova, ali ću odustati, dobio sam neki pismeni odgovor, pa sačekat ću kada bude ministar ili komesar. Moje drugo pitanje za ministra Bošnjaka vezano je za ViK. Pratili smo ministre da ste davali izjave vezano za ViK i onu proviziju od marku i pol koju su prebacili na građane. Jeste li uspjeli da riješite taj problem? Je li to ViK mogao da uradi bez suglasnosti Ministarstva i Vlade Kantona Sarajevo? I molim vas, objasnite građanima, jako ih zanima je li provizija sad na njihovim plećima, što bi rekli, da im nešto kažete vezi toga i imate li kakvo

rješenje? Drugo pitanje za Vladu Kantona Sarajevo, a i za Skupštinu. Radi se o onkološkim pacijentima. Nije to naša nadležnost primarna, ali moje je pitanje jesu, imamo li taj socijalni osjećaj, možemo li mi gledati onkološke pacijente da nam umiru pred očima? Imate li premijer Uk ikakvo rješenje, nešto ad hoc da se pomogne, oni nemaju lijekova, refundacija kasni, oni su taoci birokratije između Zavoda zdravstvenog osiguranja, Fonda solidarnosti Federacije i Agencije za lijekove. Znači, oni su taoci birokratije i to je razlog zbog čega oni umiru. Možemo li mi kao Vlada i Skupština Kantona Sarajevo reagovati? Nešto kako smo napravili izuzetak, kao sa institucijama kulture i kao i mi kao organ kolektivni, da iskoristimo utjecaj na viši nivoe vlasti da pomognemo ljudima.”

Zastupnica Miomirka Melank je podnio sljedeće (citiramo): „Zadovoljna sam što je sve više inicijativa koje se tiču najranjivijih kategorija u društvu. Ovdje je već nekoliko mojih prethodnika pomenulo ljudska prava djece. Svakako ću podržati inicijativu koju je kolega Šaljić maloprije izrekao. Okrugli sto "Značaj prihvatilišta za djecu u suzbijanju trgovine ljudima i zaštiti potencijalnih žrtava" održan je početkom maja, uz učešće predstavnika odgovornih institucija i organizacija koje se bave pravima djece, donijeto je jedanaest zaključaka sa preporukama koje će biti upućene kao inicijative ministarstvu, ovim našim kantonalnim ministarstvima za rad, socijalnu politiku, raseljena lica, izbjeglice, Ministarstvu zdravlja i Ministarstvu obrazovanja. Ja ću sada pomenuti neke od ovih inicijativa, na prvom mjestu proširenje kapaciteta postojećeg prihvatilišta za djecu koje djeluje u okviru Kantonalne javne ustanove Dom za djecu bez roditeljskog staranja Sarajevo, također da je potrebno uspostaviti prihvatilište kao krizni smještaj za djecu žrtve nasilja i trgovine ljudima na nivou kantona, potrebno je donijeti multisektoralni kantonalni protokol za prevenciju i postupanje u slučajevima prosjačenja i drugih oblika eksploatacije djece u Kantonu Sarajevo sa pratećim hodogramima. Kolegica Hašimbegović je pomenula dva veoma važna zaključka donijeta na ovom okruglom stolu, a ja ću istaći Ministarstvo za odgoj i obrazovanje Kantona Sarajevo treba inicirati izmjene i dopune propisa kojima se uređuje obrazovanje odraslih u ovom Kantonu, na način da osiguraju da žrtve trgovine ljudima, starosti iznad 15 godina, imaju pravo na osnovno i srednje obrazovanje na način da budu oslobođeni ličnog učešća u plaćanju troškova svog obrazovanja. Eksploatacija često dovodi do toga da su žrtve trgovine ljudima, zbog zanemarivanja i zloupotrebe preuranjeno isključene iz redovnog obrazovnog programa ili nikad nisu imale priliku da budu obuhvaćene istim. U većini slučajeva radi se o djeci i osobama koje dolaze iz socijalno ugroženih porodica. Uslov za plaćanje ekonomske cijene, za sticanje osnovnog obrazovanja ili određenih kvalifikacija i prekvalifikacija, značajno je prepreka da se žrtve trgovine ljudima reintegriraju u zajednicu i visok rizik da ponovno postanu žrtve ovih krivičnih djela, odnosno da postanu ovisni od socijalne pomoći. Ostale inicijative i zaključke uputit ću odgovarajućim ministarstvima.“

Zastupnica Belma Kapo je podnijela sljedeće (citiramo): „Moju inicijativu ću pismeno dostaviti, jer je ona dosta opširna, ali evo sad ću izdvojiti samo jedan glavni dio. Inicijativu podnosim Ministarstvu zdravstva Kantona Sarajevo da u saradnji sa Zavodom zdravstvenog osiguranja Kantona Sarajevo izmijeni postojeći pravilnik ili eventualno donese novi Pravilnik o postupku, kriterijima i maksimalnom iznosu financiranja i sufinansiranja lijekova koji nisu sastavni dio Liste lijekova Kantona Sarajevo. Molim Ministarstvo da uvede posebnu, jednu poseban član ili dio u koji će pacijentima omogućiti pravo na refundiranje lijekova u punom iznosu i bez ograničenja godišnjeg maksimuma, ukoliko se nalaze na listi čekanja Fonda solidarnosti, sve do uključivanja pacijenata u pravo na lijek Fonda solidarnosti. Na ovaj način ćemo olakšati pacijentima iz Kantona Sarajevo da se premosti taj period čekanja na lijek, jer svaki dan čekanja je najmanje mjesec do dva skraćene njihovog života, možda i više. Kanton Sarajevo, odnosno Zavod zdravstvenog osiguranja ima sigurno sredstva da pomogne, to nisu ogromna sredstva, ali nekome znače život. Mi intenzivno svi radimo kroz Dom naroda i kroz razne inicijative na federalnom nivou da se ovaj problem, koji je star 16 godina, riješi čim prije, ali evo,

dok se to ne dogodi, molim Vladu Kantona Sarajevo da pokaže razumijevanje iskorak onako kako su svim segmentima napravili iskorak za Kanton Sarajevo, da i ovo uzmu u obzir. Ja ću detaljno svakako poslati prijedlog tog novog pravilnika. A ovo je dio koji smatram da je najvažniji. Također, iskoristit ću svoje pravo da postavim pitanja za javne ustanove Dom zdravlja kantona Sarajevo, Zavod za zdravstvenu zaštitu studenata Univerziteta u Sarajevu i Zavod za sportsku medicinu, da ih pitam zašto iz godine u godinu njihovi zaposlenici dobivaju 30 do 100 maraka manje regresa u odnosu na sve zdravstveni radnike, radnike u zdravstvu u ostalim ustanovama u Kantonu Sarajevo? Pretpostavljam da će odgovor biti da imaju više zaposlenika koje su primili u ovom nekom periodu od momenta kada je to planirano, ali prosto ne mogu da vjerujem, pošto to traje nekoliko godina, da nisu u stanju isplanirati onako kako treba i da i ako nisu isplanirali, rebalansom ne obezbijede radnicima da im isplate njihov dio koji im po zakonu duguju.”.

Zastupnik Adi Kalem je podnio sljedeće (citiramo): „Ja za danas sam pripremio dvije zastupničke inicijative. Obje ove inicijative se tiču Vlade Kantona, Ministarstva saobraćaja Kantona Sarajevo i Direkcije za puteve Kantona Sarajevo. Obje inicijative, ja ih neću sad obrazlagati, svakako ću ih dostaviti onaj pismenim putem da se prosljede nadležnim. Radi se o instalaciji usporivača saobraćaja na dvije dionice. Prva dionica je na putnom pravcu Hadžići - Mokrine, odnosno naselju Drozgometva. Na osnovu zahtjeva građana naselja i Savjeta mjesne zajednice ukazala se potreba zbog i upozoravanja na brzu vožnju na ovoj dionici, da se instaliraju usporivači saobraćaja. Između ostalog, jel već nam je poznata činjenica, a i kolegica Admela Hodžić i kolega Vreto, pa i ja sam sam podnosio inicijativu vezano za minibus Mokrine koji često ne saobraća u ovom dionicom i djeca su primorana da putuju od kuće do škole pješke i ugroženi su svakako njihovi životi. Zbog toga je neophodno da što prije reagujemo po ovom problemu i da instaliramo odgovarajuću, horizontalno i vertikalnu signalizaciju, odnosno usporivače saobraćaja na ovoj dionici, kako bi oni mogli bezbjedno da stignu do škole. Također, druga inicijativa se odnosi na Ulicu Zlatnih Ljiljana. Ovdje je neophodna rekonstrukcija postojeće, da tako kažem, postojećih elemenata za usporavanje, odnosno usporavanje saobraćaja, sve češće i češće se dešavaju saobraćajne nezgode na ovom dijelu zbog obijesne vožnje pojedinih nesavjesnih vozača. Stoga, molim Vladu, Ministarstvo saobraćaja i Direkciju za pute Kantona Sarajevo, da što prije riješe ove probleme koje se dešavaju u ove dvije ulice, odnosno dva naselja“.

Zastupnica Mersiha Mehmedagić je podnijela sljedeće (citiramo): „Ponovit ću jednu zastupničku inicijativu koju sam bila uputila Ministarstvu saobraćaja, a radi se o sljedećem: na osnovu informacija od građana koji koristi usluge javnog prijevoza na relaciji Ilidža- Trnovo o čestom propuštanju autobuskih linija od strane prijevoznika koji saobraća na navedenoj liniji, uzevši u obzir udaljenost Trnova od Ilidže i nepostojanje alternativnih vidova javnog prijevoza, molim da se hitno osigura tehnički ispravno vozilo koje može podnijeti radno opterećenje predmetne linije,. Raspored vožnje i onako ne zadovoljava potrebe radnika i društvene potrebe mladih ljudi, pa svako propuštanje ionako slabo frekventne linije za građane Trnova znači izgubljen radni ili školski dan iako uredno kupe mjesečnu kartu A, B, C zone. Dobila sam od Ministarstva, odnosno od Gras pozitivan odgovor da će biti osigurano novo vozilo, međutim dok to novo vozilo ne dođe, molim da se osigura adekvatno raspoloživo vozilo koje Gras znači već ima da se ova linija ne dovodi u pitanje, jer svako malo dobijem pritužbe od građana da se linije propuštaju. I želim izraziti nezadovoljstvo odgovorom Kantonalnog tužiteljstva vezano za predmet zbog kojeg smo pokrenuli inicijativu, odnosno postavile pitanje kolegice Memić, Gaković i ja. Naime, u odgovoru se navodi da već godinu i pol, a napomenut ću da se radi o slučaju gdje je oštećena malodobna osoba, godinu i pol nije Tužilaštvo u stanju da donese odluku, a imaju raspoložive nalaze sudskih vještaka, znači izvršeno je medicinsko vještačenje. Radi se o slučaju u kojem se sumnjiči da je izvršeno da je izvršen čin seksualnog nasilja nad malodobnim djetetom. Znači, gotovo godinu i pol mi čekamo za nalaz. Kolegice i ja ćemo se obratiti pismeno

vezano za dalje korake, ali zaista želim izraziti ovo nezadovoljstvo na koji način i kojom dinamikom Kantonalno tužilaštvo postupa u ovako osjetljivim slučajevima.“

Zastupnik Haris Zahiragić je podnio sljedeće (citiramo): „Imao bi pitanje za premijera Uka zašto Ured za zakonodavstvo, iako je proveden konkurs, ne imenuje šefa Ureda za zakonodavstvo, da li se tu radi eventualno o zloupotrebi položaja, ili trgovini utjecajem, s obzirom da su kandidati koji su najbolje rangirani evidentno nepodobni za takvu vrstu ureda. Imam drugo pitanje za Ured za Srebrenicu. Mi smo ovdje usvojili pretenciozno Zakon o pomoći Srebrenici, predvidjeli sredstva za njegovu implementaciju, međutim izborna je godina u Srebrenici kada bi sredstva i Ured u značajnoj mjeri doprinio aktivistima iz Srebrenice u organizaciji lokalnih izbora, što je možda glavna svrha samog Zakona da se ljudi tamo lakše i adekvatno politički i društveno i drugi način organizuju. Mi već drugi konkurs, prvi konkurs je propao, drugi konkurs, iako imaju ljudi koji su prijavljeni, koji ispunjavaju uslove, ne želite završiti zbog toga što ni oni također nisu politički podobni. Poništavate ga, raspisujete treći konkurs koji će u najboljem slučaju biti tek na kraju godine realiziran i proveden. Pa želim da mi premijer Uk usmeno odgovori na ova pitanja šta je problem sa prvorangiranim u oba od ovih ureda i u oba od ovih navedenih konkursa? Imam još jednu inicijativu koja je došla kao molba Udruženja unije džemata u Bosni i Hercegovini, i aktivisti iz džemata Dobrinja 3 b. Jedna inicijativa koja je plemenita i uzeo sam obavezu da u njihovo ime tu vrstu inicijative uputim u Skupštini Kantona Sarajeva, pa evo molim kolege da poslušaju i da podrže ovu inicijativu i Vladu Kantona, specifično.

Upućujem inicijativu Vladi Kantona Sarajeva, Ministarstvu zdravstva Kantona Sarajeva da obezbijedi sredstva i da kreira program liječenja ranjene i bolesne djece Palestine u zdravstvenim ustanovama u Kantonu Sarajeva, te da putem Ministarstva vanjskih poslova i Ambasade države Palestine u Bosni i Hercegovini ponudi Državi Palestini organizaciju izlaska, transporta i liječenja smještaja određenog broja ranjene i bolesne djece Palestine u Kantonu Sarajeva. Ne moram govoriti o ženevskim konvencijama, šta propisuju zabranu napadanja bolesnika, a vidite da Izrael u agresiji, u genocidu koji provodi u Palestini i nad palestinskim narodom, ne bira mete, mete su čak i bolnice, mete su najmlađa djeca. Svaki dan gledamo snimke, vjerojatno ste si svi tužni kada vidite snimku ranjene djece. Mene lično podsjeća na katastrofu, čak i manjih razmjera koje smo mi proživljavali u Sarajevu tokom agresije i genocida. I onaj čuveni video kada curica mala kaže ranjena pogodio me čiko metkom. E raznim mecima, bombama, otrovima, napadaju djecu Palestine, ta djeca krvare. I mi kao mala država Bosna i Hercegovina, kao mali Kanton Sarajeva, ne možemo spriječiti genocid i zločin u Palestini, ali možemo barem kao u onoj predaju u mravu, pokazati na čijoj smo strani. I molim kolege zastupnike da podrže moju inicijativu i molim Vladu Kantona Sarajeva da pronade način za implementaciju te inicijative na način da barem 50, 100 bolesnika, prije svega djece ili ranjenika, prije svega djece, a zašto ne i starijih žrtava agresije na Palestinu ovdje ugostimo i da im budemo domaći i da zdravstvene ustanove u Kantonu Sarajeva ponude liječenje, smještaj i tretman o našem trošku, naravno, te djece i tih ranjenika. Mislím da bi to bila humana gesta i da bi Sarajeva po ko zna koji put, bez obzira na sve kompleksne procedure koje bi do toga trebale dovesti, stavilo na pravu stranu historije. To je jedino što mi u suštini možemo uraditi. Molim vas da date entuzijazam i da se angažujete na adekvatan način da se to i realizuje. Tražit ću, naravno, o ovoj inicijativi i izjašnjavanje”

Zastupnica Admela Hodžić je podnijela sljedeće (citiramo): „Podnosim inicijativu Vladi Kantona Sarajeva da poduzmu sve potrebne mjere i radnje da se u godišnje poslovne izvještaje kantonalnih javnih preduzeća, zavoda i ustanova Kantona Sarajeva uvrsti unificirana tabela koja će sadržavati precizno navedene sljedeće podatke: sektor, radnu jedinicu, naziv radnog mjesta za sve uposlenike, stručno spremu, zvanje za radno mjesto iz polja 2, koeficijent za radno mjesto iz polja 2., procenat invaliditeta ako ga uposlenik ima za polje 2. Ukupan broj radnika po sektoru ili radnoj jedinici, broj radnika prema sistematizaciji, po sektoru, radnoj jedinici, ugovor na određeno, neodređeno ili ugovor o djelu, broj uposlenih osoba sa invaliditetom na dnu tabele,

pod 11 iznos koji se uplaćuje u Fond za profesionalnu rehabilitaciju i osposobljavanja osoba sa invaliditetom za svaku ustanovu iz Kantona Sarajeva na dnu tabele. Polje 12. Izvještaj Fonda za profesionalnu rehabilitaciju i osposobljavanja osoba sa invaliditetom, na što su utrošena sredstva koja su uplaćena u izvještajnom periodu. Obrazloženje: navedeno je niz zakona po kojima postupamo ako uvrstimo ovakvu jednu tabelu, svaki izvještaj, ali evo nemam dovoljno vremena sve da pročitam. U posljednjih nekoliko godina sve češće nam dolaze i anonimne poruke, ali i poruke sa podacima pošaljalaca koji se žale na diskriminaciju, mobbing, razne oblike nejednakog postupanja prema uposlenicima kantonalnih javnih preduzeća, zavoda, ustanova, uprava, agencija i ureda Kantona Sarajevo, odnosno prijave da svaka nova uprava postupa različito od one prethodne, ne vodeći računa o tome da li je to u skladu sa važećim zakonima i pravilnicima. Često sam dobivala mailove i poruke da se u jednom javnom preduzeću radnici različito plaćaju za isti posao, odnosno da im se dodjeljuju različiti koeficijenti i dodaci na plaću iako imaju istu stručnu spremu, zvanje ili slično, a isto tako obavljaju iste ili slične poslove u tom javnom preduzeću, ustanovi ili zavodu. Također sam dobivala poruke, na primjer, da je jedan uposlenik medijske kuće, više plaćen od drugog samo zato što je blizak trenutnoj vladajućoj strukturi, ali i da je jedan pravilnik u javnom preduzeću, svaki put dolaskom nove vladajuće strukture, više puta mijenjan. Dobivala sam, također, i mailove da je jedan uposlenik, odnosno pravnik u jednom preduzeću, više je plaćen od drugog, iako imaju isto zvanje i obavljaju iste poslove, također, pojedini uposlenici su se žalili. Dolaskom nove uprave uradi se nova sistematizacija gdje uposlenik dobije druge poslove i manji koeficijent, iako ima višu stručnu spremu, odnosno dodijeli im se koeficijent koji ima radnik sa srednjom stručnom spremom. Naravno, zastupnici iz godišnjih izvještaja ne mogu uvidjeti ovakve podatke. Ja ću vas zamoliti, poslala sam u službu inicijativu za koju želim da se izjasnimo. Podnesena je već više od nekoliko mjeseci, nemam odgovora, pa ja bih vas zamolila da se da na glasanje. Toliko zahvaljujem. Ostalo ću predati u službu.“

Zastupnik Davor Čičić je podnijela sljedeće (citiramo): „Pozdravljam sve prisutne ovdje u sali i sve građane pred malim ekranima. Ja ću imati ovaj put dva pitanja. Prvo pitanje za premijera Uka i ministra komunalne privrede i infrastrukture Bojana Bošnjaka, a vezano je za zastupničku inicijativu koju je nekad u oktobru prošle godine podnio Klub SDP-a, preko tada zastupnika Irfana Čengića i kolege nezavisnog zastupnika Ređe Lemezana, a tiče se donošenja Zakona o legalizaciji nelegalno izgrađenih objekata u Kantonu Sarajevo ili kako je to ovdje nazvano, u toj inicijativi, Zakon o postupanju sa nezakonito izgrađenim objektima u Kantonu Sarajevo. Mi imam informaciju da je na osnovu ove inicijative bilo predloženo da se formira radna grupa koja bi radila na izradi i donošenju ovog zakona, pa nas iskreno, pa nas zanima ovim putem dokle je, da li je formirana ta radna grupa, dokle je došao rad te radne grupe i kada otprilike možemo očekivati i da li možemo očekivati neki prednacrt tog zakona ili nacrt zakona koji bi došao na odlučivanje u Skupštinu Kantona Sarajevo? Čisto informativno, da vidimo dokle je ta zastupnička inicijativa? Drugo pitanje tiče se isto Ministarstva komunalne privrede i infrastrukture i ministra Bošnjaka. Ja sam na prošloj sjednici podnio inicijativu, a tiče se više-manje inicijative građana koje je došlo do nas, a tiče se plaćanja računa za Vodovod i kanalizaciju, gdje je došlo do momenta kada više provizije, odnosno za plaćanje tih računa, nije snosilo Javno komunalno preduzeće. Ja sam tada podnio inicijativu ili da se formiraju blagajne u sklopu preduzeća Vodovod i kanalizacija, gdje građani koji žele da plate bez provizije da mogu to učiniti ili da se sa BH poštom koja je dobila preko koje se može platiti račun, sklopi neki ugovor gdje bi se građani oslobodili plaćanje te provizije. Ja sam dobio odgovor i zahvaljujem odgovoru iz Vodovoda i kanalizacije, gdje mi je rečeno da je na Vodovod zbog te provizije pao veliki trošak od nekih 950 000 konvertibilnih maraka i da oni u budućnosti ne mogu snositi tolike troškove provizije, što je meni na neki način jasno, ali mi nije jasno evo, pitam ministra da li se može u sklopu preduzeća, kako je bilo i prije, organizovati neke blagajne na različitim punktovima u Kantonu Sarajevo, gdje bi građani koji žele da plate bez provizije budu u mogućnosti da isto i učine.“

Zastupnik Damir Marjanović je podnio sljedeće (citiramo): „Vrlo kratko pitanje za Ministarstvo financija. Zahtijevam pismeni odgovor, detaljan pismeni odgovor kakvo je trenutno financijsko stanje u Kantonu Sarajevo, da li su stabilni financijski tokovi i da li je opravdana bojazan pojedinih institucija, posebno na Univerzitetu Sarajevo, da neće biti dovoljno novca za 12-tu platu. I s tim u vezi, pitanje prema Ministarstvu financija jeste da li u nekome momentu planira da radi rebalans budžeta i da li će on biti potreban? Ponavljam, još jednom, pismeni odgovor me zanima.“

Nakon iscrpljene liste prijavljenih za pitanja i inicijative, predsjedavajući je pozvao ministre Vlade Kantona Sarajevo da ponude odgovore na pitanja za koja je tražen usmeni odgovor.

Potom su svoje odgovore na postavljena pitanja su ponudili: *Enis Hasanović, ministar zdravstva, Nihad Uk, premijer i Bojan Bošnjak, ministar prostornog uređenja, građenja i zaštite okoliša.*

Nezadovoljstvo usmenim odgovorom izrazili su zastupnici *Jasmin Šaljić, Elza Gaković, Fatima Gavrankapetanović-Smailbegović*, na koja im je ministar *Hasanović* ponudio dodatne odgovore.

Po zaključivanju diskusije, predsjedavajući je dao obrazloženje za inicijative koje su podnijeli zastupnici da se Skupština o njima izjasni.

Predsjedavajući je konstatovao da je zastupnička *inicijativa zastupnika Harisa Zahiragića koja se odnosi na zdravstveno zbrinjavanje ranjene i bolesne djece iz Palestine u zdravstvenim ustanovama KS je dobila načelnu podršku ministra Enisa Hasanovića, tako da smatra da se o istoj ne treba izjašnjavati.*

Zatim je dao obrazloženje da *inicijativa zastupnika Faruka Selmanovića kojom traži da Skupština KS donese deklaraciju kojom će se osuditi napad na energetska nezavisnost BiH, treba proći skupštinsku proceduru istovjetnu donošenju zakona, izuzev ukoliko se radi o neodložnoj potrebi, za što smatra da nije sada slučaj.*

Predsjedavajući je predložio da se Skupština izjasni o inicijativi zastupnika *Admele Hodžić i Aljoše Čampare.*

Na osnovu rezultata glasanja, predsjedavajući je konstatovao da je *Skupština većinom glasova podržala Inicijativu zastupnika Admele Hodžić i Aljoše Čampare (s 22 glasa „za“ i 4 „suzdržana“ glasa), te donijela sljedeći Zaključak:*

„Prihvata se Inicijativa zastupnika Admele Hodžić i Aljoše Čampara, da Vlada Kantona Sarajevo i Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, iznađu sredstva u iznosu od približno 5.500.000 KM za isplatu razlike iznosa pojedinačne subvencije u visini od 10.000 KM za rješavanje stambenog pitanja mladih po Javnom pozivu iz 2023. godine“.

Realizacija tačke dva.

AD-2.

Prijedlog Odluke o davanju saglasnosti za osnivanje Srednjoškolskog medicinskog centra „European Medical College“ („Evropski medicinski koledž“) u Sarajevu

Zastupnici su materijal dobili uz poziv za sjednicu. Uvodne napomene u ime predlagača je podnijela ministrica za odgoj i obrazovanje, *Naida Hota-Muminović*.

Pitanja za ministricu su imali zastupnici: *Haris Zahiragić, Fatima Gavrankapetanović-Smailbegović, Marijela Hašimbegović, Mahir Dević i Muamer Bandić*, na koja im je odmah ministrica ponudila odgovore.

U diskusiji su učestvovali zastupnici: *Marijela Hašimbegović, Haris Zahiragić, Mahir Dević, Samir Avdić, Muamer Bandić, Fatima Gavrankapetanović-Smailbegović*.

Repliku je imao zastupnik *Muamer Bandić*.

Zaključivši diskusiju, predsjedavajući je pozvao zastupnike da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti za osnivanje Srednjoškolskog medicinskog centra „European Medical College“ („Evropski medicinski koledž“) u Sarajevu.

(s 25 glasova „za“ i 2 glasa „protiv“ i bez glasova „suzdržan“).

Realizacija tačke tri.

AD-3.

Prijedlog Odluke o davanju saglasnosti Ministarstvu zdravstva Kantona Sarajevo za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica

Zastupnici su materijal dobili uz poziv za sjednicu. Uvodne napomene je podnio ministar zdravstva, *Enis Hasanović*.

Pitanja za predlagača materijala je postavio zastupnik *Faruk Selmanović*, na koja mu je ministar *Hasanović* odmah odgovorio.

Nije bilo prijavljenih zastupnika za diskusiju, te je predsjedavajući pozvao da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti Ministarstvu zdravstva Kantona Sarajevo za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica. (s 30 glasova “za”).

Realizacija tačke četiri.

AD-4.

Prijedlog Odluke o izmjeni i dopunama Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo

Zastupnici su materijal dobili u dopunskom materijalu. Uvodne napomene je podnio ministar zdravstva, *Enis Hasanović*.

Pitanja za predlagača su imali zastupnici *Haris Zahiragić i Muamer Bandić*, na koja im je ministar odmah ponudio odgovor.

Nije bilo prijavljenih zastupnika za diskusiju, te je predsjedavajući pozvao da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o izmjeni i dopunama Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo. (s 26 glasova "za").

Predsjedavajući je potom predložio pauzu za ručak u trajanju od 90 minuta, koju su zastupnici jednoglasno podržali (s 28 glasova „za“).

NASTAVAK NAKON PAUZE

U nastavku nakon pauze prešlo se na realizaciju tačke pet.

AD- 5.

Prijedlog Odluke o davanju saglasnosti za zaključenje Ugovora o zakupu poslovnog prostora - bolnički kompleks bivše Klinike za kožno - venerične bolesti „Dr. Ernest Grin“ za 2024. godinu između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice Kantona Sarajevo, Ministarstva zdravstva Kantona Sarajevo i Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“) kao zakupca

Zastupnici su materijal za ovu tačku dobili uz poziv za sjednicu. Uvodno izlaganje u ime Predlagača je podnio *Nurija Hodžić*, pomoćnik ministrice u Ministarstvu za rad, socijalnu politiku, raseljena i izbjegla lica KS.

U ime Komisije za rad i socijalnu politiku obratila se zastupnica *Elza Gaković*.

Pitanja za uvodničara su imali zastupnici: *Danijela Kristić, Marijela Hašimbegović i Muamer Bandić*, na koja im je odmah ponuđen odgovor.

U diskusiju su se uključili zastupnici: *Elza Gaković, Danijela Kristić, Muamer Bandić i Marijela Hašimbegović*.

Po zaključivanju rasprave, predsjedavajući je pozvao zastupnike da se izjasne o Prijedlogu odluke.

Na osnovu rezultata glasanja predsjedavajući je konstatovao da je Skupština jednoglasno donijela Odluku o davanju saglasnosti za zaključenje Ugovora o zakupu poslovnog prostora - bolnički kompleks bivše Klinike za kožno - venerične bolesti „Dr. Ernest Grin“ za 2024. godinu između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice Kantona Sarajevo, Ministarstva zdravstva Kantona Sarajevo i Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“) kao zakupca. (s 24 glasa „za“).

Realizacija tačke šest.

AD-6.

Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o kupoprodaji nekretnina putem neposredne pogodbe sa City mansion d.o.o., označenog kao: k.č. br. 422/309 K.O. SP_Dolac, po starom premjeru, kojoj po novom

premjeru odgovara k.č. br.1837/19 K.O. Novo Sarajevo III i k.č. br. 422/310 K.O. SP_Dolac, po starom premjeru, kojoj po novom premjeru odgovara k.č. br. 1845/13 K.O. Novo Sarajevo III, vlasništvo i posjed Zavoda za izgradnju Kantona Sarajevo

Predsjedavajući je konstatovao da su zastupnici dobili materijal za ovu tačku u dopuni, te dao riječ *direktorici Zavoda za izgradnju KS, Belmi Barlov*, da podnese uvodne napomene.

Pitanja za direktoricu Barlov su imali zastupnici: *Marijela Hašimbegović, Jasmin Šaljić, Haris Zahiragić i Danijela Kristić*, na koja im je *direktorica Zavoda* odmah ponudila odgovore.

U diskusiji su učestvovali zastupnici: *Haris Zahiragić, Marijela Hašimbegović, Muamer Bandić i Mahir Dević*.

U međusobnim replikama su učestvovali zastupnici: *Haris Zahiragić-Muamer Bandić, Elvedin Okerić – Muamer Bandić, Haris Zahiragić – Elvedin Okerić*.

Ispravku krivog navoda je imao zastupnik *Muamer Bandić*.

Nakon zaključivanja rasprave, predsjedavajući je pozvao zastupnike da se izjasne o prijedlogu odluke.

Na osnovu rezultata glasanja, konstatovano je da je ***Skupština većinom glasova donijela Odluku o davanju saglasnosti Zavodu za izgradnju Kantona Sarajevo za zaključivanje Ugovora o kupoprodaji nekretnina putem neposredne pogodbe sa City mansion d.o.o., označenog kao: k.č. br. 422/309 K.O. SP_Dolac, po starom premjeru, kojoj po novom premjeru odgovara k.č. br.1837/19 K.O. Novo Sarajevo III i k.č. br. 422/310 K.O. SP_Dolac, po starom premjeru, kojoj po novom premjeru odgovara k.č. br. 1845/13 K.O. Novo Sarajevo III, vlasništvo i posjed Zavoda za izgradnju Kantona Sarajevo. (s 22 glasa „za“ i 4 glasa „suzdržan“)***.

Realizacija tačke sedam.

AD- 7.

Prijedlog Odluke o davanju saglasnosti za zaključivanje ugovora o zamjeni nekretnina između „Betanijacentar“ d.o.o. Sarajevo i Zavoda za izgradnju Kantona Sarajevo radi sporazumnog rješavanja prava vlasništva u skladu sa članom 23. Zakona o eksproprijaciji F BiH

Predsjedavajući je konstatovao da su materijal za ovu tačku zastupnici dobili u dopuni, te dao riječ *direktorici Zavoda za izgradnju KS, Belmi Barlov*, da podnese uvodne napomene

Zastupnik Haris Zahiragić je postavio pitanje *direktorici*, na koje mu je odmah odgovor ponudio *Marko Tolić, sekretar Zavoda za izgradnju KS*.

U diskusiji je učestvovao zastupnik *Haris Zahiragić*.

Po zaključivanju diskusija, predsjedavajući je pozvao zastupnike da se izjasne o prijedlogu odluke.

Na osnovu rezultata glasanja, predsjedavajući je konstatovao da je ***Skupština jednoglasno donijela Odluku o davanju saglasnosti za zaključivanje ugovora o zamjeni nekretnina između „Betanijacentar“ d.o.o. Sarajevo i Zavoda za izgradnju Kantona Sarajevo radi sporazumnog rješavanja prava vlasništva u skladu sa članom 23. Zakona o eksproprijaciji F BiH. (s 27 glasova „za“)***

Realizacija tačke osam.

AD- 8.

Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o zakupu zemljišta na lokalitetu Općine Novi Grad Sarajevo, ulica Bulevar Meše Selimovića bb, koji namjeravaju zaključiti Zavod za izgradnju Kantona Sarajevo kao zakupodavac i „Boston-company“ d.o.o. Sarajevo kao zakupoprimac

Predsjedavajući je konstatovao da su materijal za ovu tačku zastupnici dobili u dopuni, te dao riječ direktorici Zavoda za izgradnju KS, Belmi Barlov, da podnese uvodne napomene

Pitanja za predlagača su imali zastupnici: *Haris Zahiragić i Marijela Hašimbegović*, na koja im je odgovore ponudio *sekretar Zavoda za izgradnju KS, Marko Tolić*.

U diskusiji, koja je potom uslijedila, učestvovali su zastupnici: *Marijela Hašimbegović, Haris Zahiragić i Faruk Kapidžić*.

Zaključivši diskusiju, predsjedavajući je pozvao zastupnike da se izjasne o prijedlogu odluke.

Na osnovu rezultata glasanja, konstatovano je da je ***Skupština većinom glasova donijela Odluku o davanju saglasnosti Zavodu za izgradnju Kantona Sarajevo za zaključivanje Ugovora o zakupu zemljišta na lokalitetu Općine Novi Grad Sarajevo, ulica Bulevar Meše Selimovića bb, koji namjeravaju zaključiti Zavod za izgradnju Kantona Sarajevo kao zakupodavac i „Boston-company“ d.o.o. Sarajevo kao zakupoprimac.***
(s 20 glasova „za“, 2 glasa „protiv“ i 4 „suzdržana“ glasa).

Realizacija tačke devet.

AD-9.

Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o zakupu zemljišta na lokalitetu Općine Novi Grad Sarajevo, ulica Bulevar Meše Selimovića 16, koji namjeravaju zaključiti Zavod za izgradnju Kantona Sarajevo kao zakupodavac i „ASA NEKRETNINE BH“ d.o.o. Sarajevo kao zakupoprimac

Predsjedavajući je konstatovao da su zastupnici dobili materijal uz poziv za sjednicu, te dao riječ direktorici Zavoda za izgradnju KS, Belmi Barlov, da podnese uvodne napomene.

Pitanja za predstavnicu predlagača imao je *zastupnik Jasmin Šaljić*, dok je u diskusiji učestvovao *zastupnik Faruk Kapidžić*.

Nakon zaključivanja diskusije, predsjedavajući je pozvao zastupnike da se izjasne o prijedlogu odluke.

Na osnovu rezultata glasanja, konstatovano je da je ***Skupština većinom glasova donijela Odluku o davanju saglasnosti Zavodu za izgradnju Kantona Sarajevo za zaključivanje Ugovora o zakupu zemljišta na lokalitetu Općine Novi Grad Sarajevo, ulica Bulevar Meše Selimovića 16, koji namjeravaju zaključiti Zavod za izgradnju Kantona Sarajevo kao zakupodavac i „ASA NEKRETNINE BH“ d.o.o. Sarajevo kao zakupoprimac.***
(s 20 glasova „za“, 1 glas „protiv“ i 2 glasa „suzdržan“).

Realizacija tačke deset.

AD-10.

Prijedlog Odluke o davanju saglasnosti za zaključivanje Ugovora o zakupu između Zavoda za izgradnju Kantona Sarajevo i Unitic d.o.o. – Ujedinjena investiciona i trgovačka kompanija d.o.o. za zemljište označeno kao dio k.č. br. 902/2 i dio k.č. br. 902/52 K.O. Sarajevo VII, ukupne površine 1684,50 m² na period od 5 (pet) godina

Predsjedavajući je konstatovao da su zastupnici materijal dobili uz poziv za sjednicu. Zastupnici su smatrali da nije potrebno da predlagač podnese uvodne napomene.

Pitanje za predlagača je imala zastupnica *Marijela Hašimbegović*, na koje joj je odgovor ponudila *direktorica Zavoda za izgradnju KS, Belma Barlov*.

U diskusiji je učestvovao zastupnik *Faruk Kapidžić*.

Na osnovu rezultata glasanja, konstatovano je da je Skupština većinom glasova donijela Odluku o o davanju saglasnosti za zaključivanje Ugovora o zakupu između Zavoda za izgradnju Kantona Sarajevo i Unitic d.o.o. – Ujedinjena investiciona i trgovačka kompanija d.o.o. za zemljište označeno kao dio k.č. br. 902/2 i dio k.č. br. 902/52 K.O. Sarajevo VII, ukupne površine 1684,50 m² na period od 5 (pet) godina.

(s 20 glasova „za“, 1 glas „protiv“ i 3 glasa „suzdržan“).

Realizacija tačke jedanaest.

AD-11.

Prijedlog Odluke o davanju saglasnosti za zaključivanje Ugovora o kupoprodaji nekretnina između „Betanijacentar“ d.o.o. Sarajevo kao kupca i Zavoda za izgradnju Kantona Sarajevo kao prodavca radi oblikovanja građevinske parcele u skladu sa članom 363. stav (3) tačka 5) Zakona o stvarnim pravima Federacije Bosne i Hercegovine

Zastupnici su materijale dobili uz poziv za sjednicu. Uvodne napomene je podnijela *direktorica Zavoda za izgradnju KS, Belma Barlov*.

U diskusiji je učestvovao zastupnik *Faruk Kapidžić*, nakon čega je predsjedavajući pozvao zastupnike da se izjasne o prijedlogu odluke.

Na osnovu rezultata glasanja, konstatovano je da je Skupština jednoglasno donijela Odluku o davanju saglasnosti za zaključivanje Ugovora o kupoprodaji nekretnina između „Betanijacentar“ d.o.o. Sarajevo kao kupca i Zavoda za izgradnju Kantona Sarajevo kao prodavca radi oblikovanja građevinske parcele u skladu sa članom 363. stav (3) tačka 5) Zakona o stvarnim pravima Federacije Bosne i Hercegovine. (s 26 glasova „za“).

Realizacija tačke dvanaest.

AD-12.

Prijedlog Odluke o davanju saglasnosti na Izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu sa Odlukom o izvršenju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu

Zastupnici su materijal dobili uz poziv za sjednicu, te su smatrali da nije potrebno uvodno izlaganje, također nije bilo prijavljenih za postavljanje pitanja ili diskusiju, zbog čega je predsjedavajući odmah pozvao zastupnike da se izjasne o prijedlogu odluke.

Na osnovu rezultata glasanja, konstatovano je da je **Skupština jednoglasno donijela Odluku o davanju saglasnosti na Izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu sa Odlukom o izvršenju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu.** (s 26 glasova „za“).

Realizacija tačke trinaest.

AD-13.

Prijedlog Odluke o davanju saglasnosti na osnivanje Naučnoistraživačkog instituta „Blum“ za računarske nauke i inženjerstvo, umjetnu inteligenciju i autonomne robotske sisteme, kao ustanove pod nazivom Naučnoistraživački institut „Blum“ za računarske nauke i inženjerstvo, umjetnu inteligenciju i autonomne robotske sisteme

Zastupnici su materijal dobili uz poziv za sjednicu. Uvodno izlaganje u ime predlagača je podnijela *ministrica za nauku i visoko obrazovanje, Adna Mesihović.*

Kako nije bilo prijavljenih zastupnika za postavljanje pitanja ili diskusiju, predsjedavajući je pozvao zastupnike da se izjasne o prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti na osnivanje Naučnoistraživačkog instituta „Blum“ za računarske nauke i inženjerstvo, umjetnu inteligenciju i autonomne robotske sisteme, kao ustanove pod nazivom Naučnoistraživački institut „Blum“ za računarske nauke i inženjerstvo, umjetnu inteligenciju i autonomne robotske sisteme. (s 26 glasova „za“).

Predsjedavajući je dao polusatnu pauzu nakon ovog glasanja.

NASTAVAK NAKON PAUZE

U nastavku nakon pauze, prešlo se na realizaciju tačke četrnaest.

AD-14.

Prijedlog Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo – skraćeni postupak

Zastupnici su materijal dobili uz poziv za sjednicu.

Predsjedavajući je pozvao predstavnika Predlagača da u skladu sa članom 158. Stav 2. Poslovnika Skupštine Kantona Sarajevo ukratko navede razloge za donošenje ovog Zakona po skraćenom postupku, što je učinio *pomoćnik ministrice za rad i socijalnu politiku, Nuriya Hodžić.*

Diskusiju u smislu skraćenog postupka je imao *zastupnik Muamer Bandić.*

Potom je predsjedavajući pozvao zastupnike da se izjasne da li će se pretres Prijedloga Zakona o izmjenama i dopunama Zakona o posredovanju u zapošljavanju socijalnoj sigurnost nezaposlenih osoba u Kantonu Sarajevo provesti po skraćenom postupku.

Na osnovu rezultata glasanja, konstatovano je da je Skupština jednoglasno prihvatila prijedlog da se pretres Prijedloga zakona provede po skraćenom postupku. (s 22 glasa „za“).

Potom je predsjedavajući dao riječ predstavniku Predlagača, *Nuriji Hodžiću*, da podnese uvodne napomene.

U međuvremenu je vođenje sjednice nakratko preuzeo dopredsjedavajući *Vibor Handžić.*

Pitanja za predstavnika Predlagača su imali zastupnici: *Admela Hodžić, Marijela Hašimbegović, Faruk Selmanović, Muamer Bandić i Adi Kalem*, na koja im je odogovore ponudila *direktorica Javne ustanove Služba za zapošljavanje Amina Džonlagić*.

U diskusiji koja je potom otvorena, učestvovali su zastupnici: *Muamer Bandić, Rusmir Pobrić, Damir Marjanović, Mersiha Mehmedagić, Mahir Dević, Samir Avdić, Admela Hodžić, Elza Gaković, Vedrana Vikić Musić, Vedrana Vujović, Davor Čičić i Vildana Bešlija*.

U međusobnom repliciranju su učestvovali zastupnici: *Mahir Dević – Rusmir Pobrić, Muamer Bandić – Rusmir Pobrić, Marijela Hašimbegović – Rusmir Pobrić, Muamer Bandić – Mersiha Mehmedagić, Muamer Bandić – Davor Čičić, Admela Hodžić – Vildana Bešlija, Miomirka Melank – Vildana Bešlija i Muamer Bandić – Vildana Bešlija*.

Ispravku krivog navoda je koristio zastupnik *Mahir Dević*.

Nakon što su sve diskusije iscrpljene, predsjedavajući je pozvao zastupnike da se izjasne o Prijedlogu zakona.

Na osnovu rezultata glasanja, konstatovano je da je Skupština jednoglasno donijela Zakon o izmjenama i dopunama Zakona o posredovanju u zapošljavanju i socijalnoj sigurnost nezaposlenih osoba u Kantonu Sarajevo, (s 27 glasova „za“).

Na zahtjev Kluba Stranke demokratske akcije predsjedavajući je dao polusatnu pauzu.

NASTAVAK NAKON PAUZE

Predsjedavajući je najavio realizacija tačke petnaest.

AD-15.

Prijedlog Zakona o odgoju i obrazovanju u osnovnoj i srednjoj školi u Kantonu Sarajevo

Predsjedavajući je dao polusatnu pauzu na zahtjev Kluba Stranke za Bosnu i Hercegovinu.

NASTAVAK NAKON PAUZE

Predsjedavajući je ponovo pročitao naziv petnaeste tačke dnevnog reda, nakon čega se javio zastupnik *Muamer Bandić*, tražeći poslovničku intervenciju. Predsjedavajući je imao ispravku krivog navoda zastupniku *Bandiću*.

Zastupnik Albin Zuhrić je u ime Kluba Demokratske fronte tražio polusatnu pauzu.

Predsjedavajući je prije pauze, dao riječ ministrici odgoja i obrazovanja, *Naidi Hota-Muminović*, kao Predlagaču materijala da se obrati. U svom obraćanju ministrica je zamolila da se o ovako značajnom materijalu ne raspravlja u situaciju kakva je trenutno u sali, te je Predsjedavajući prekinuo zasjedanje i najavio zastupnicima da će biti blagovremeno obaviješteni o nastavku iste.

Broj: 01-04-29948/24

10.06.2024.godine

SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU PRVOG NASTAVKA 16. RADNE SJEDNICE SKUPŠTINE KANTONA SARAJEVO ODRŽANE 09.07.2024.GODINE SA POČETKOM RADA U 10,00 SATI

Prvi nastavak 16. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 25 zastupnica i zastupnika, dok su se ostali priključili tokom zasjedanja.

Izostanak sa ove sjednice pravdali su zastupnici Arijana Memić, Marijela Hašimbegović, Albin Zuhrić i Ilijaz Pilav. Sjednici nisu prisustvovali zastupnici: Damir Marjanović, Miomirka Melank i Haris Zahiragić.

U skladu s naprijed navedenim, prisustvo zastupnika Prvom nastavku 16. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebjija
3. Kalem Adi
4. Kapidžić Faruk
5. Selmanović Faruk
6. Viteškić Smiljana

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pabrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vedrana Vikić- Musić

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Vujović Vedrana

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnom zasjedanju obrađeno prvih 14 tačaka dnevnog reda, tako da ovo zasjedanje počinje sa *tačkom 15. Prijedlog Zakona o odgoju i obrazovanju u osnovnoj i srednjoj školi u Kantonu Sarajevo*.

Prije prelaska na realizaciju tačke, predsjedavajući je napomenuo zastupnike da će se zasjedanje prekinuti prije 12:00 sati kako bi oni koji žele mogli izaći i odati počast koloni s tabutima u kojima se nalaze posmrtni ostaci 14 žrtava genocida počinjenog u Srebrenici, 11. jula 1995.godine.

Realizacija tačke petnaest.

AD-15.

Prijedlog Zakona o odgoju i obrazovanju u osnovnoj i srednjoj školi u Kantonu Sarajevo

Zastupnici su materijal dobili uz poziv za sjednicu.

Uvodno izlaganje u ime Predlagača podnijela je *ministrica za odgoj i obrazovanje, Naida Hota-Muminović*. Zatim se prisutnima obratila *predsjednica Odbora za inkluzivno obrazovanje, Jasminka Proho*, po odobrenju Kolegija Skupštine KS, a iza nje se obratila *predsjednica Udruženja Vijeća roditelja KM, Elma Dizdarević*.

Pitanja za predstavnicu Predlagača su imali zastupnici: *Fatima Gavrankapetanović-Smailbegović, Vedrana Vujović, Faruk Selmanović, Vildana Bešlija, Jasmin Šaljić i Elza Gaković*.

Predsjedavajući je dao polusatnu pauzu u skladu s prethodnom najavom.

NASTAVAK NAKON PAUZE

U nastavku nakon pauze predsjedavajući je pozvao ostale prijavljene zastupnike za postavljanje pitanja.

Pitanja za Predlagača su imali zastupnici: *Admela Hodžić, Jelena Pekić, Muamer Bandić, Davor Čičić, Mahir Dević i Elvedin Okerić.*

Iscrpivši listu prijavljenih za postavljanje pitanja, predsjedavajući je predložio pauzu za ručak u trajanju od 90 minuta, što su zastupnici jednoglasno podržali (s 20 glasova „za“).

NASTAVAK NAKON PAUZE

U nastavku nakon pauze predsjedavajući je dao riječ *ministrici za odgoj i obrazovanje, Naidi Hota Muminović* da ponudi odgovore zastupnicima.

U diskusiji su učestvovali sljedeći zastupnici: *Mahir Dević, Vedrana Vujović, Faruk Selmanović, Vildana Bešlija, Admela Hodžić, Faruk Kapidžić, Elza Gaković, Sanela Klarić i Mersiha Mehmedagić.*

U međuvremenu je predsjedavanje sjednicom nakratko preuzela *dopredsjedavajuća Jelena Pekić.*

U međusobnom repliciranju su učestvovali zastupnici: Jelena Pekić - Vildana Bešlija i Mahir Dević – Elza Gaković.

Ispravke krivih navoda imali su zastupnici: *Mahir Dević i Samir Avdić.*

Na zahtjev Kluba SDA, predsjedavajući dao polusatnu pauzu.

NASTAVAK NAKON PAUZE

U nastavku nakon pauze, učešće u diskusiji uzeli su sljedeći zastupnici: *Samir Avdić, Vibor Handžić, Muamer Bandić, Jasmin Šaljić, Faruk Selmanović, Mahir Dević, Vedrana Vujović, Faruk Kapidžić, Davor Čičić, Jasmin Šaljić i Elvedin Okerić.*

U međusobnom repliciranju učestvovali su: Mahir Dević – Samir Avdić, Mahir Dević – Vibor Handžić, Vedrana Vujović – Vibor Handžić, Mahir Dević – Vedrana Vujović i Mahir Dević – Elvedin Okerić.

Po zaključivanju diskusija, predsjedavajući je pitao predstavnike stranaka koje su dostavile amandmane na Prijedlog zakona, da li žele da se o njihovim amandmanima izjašnjava Skupština pojedinačno ili objedinjeno. Predstavnici su kazali objedinjeno pa se prešlo na izjašnjavanje po istim.

Na osnovu rezultata glasanja, predsjedavajući je konstatovao da amandmani Kluba Demokratske fronte na Prijedlog zakona o odgoju i obrazovanju u osnovnoj i srednjoj školi u KS, nisu dobili potrebnu većinu (8 glasova „za“, 0 glasova „protiv“ i 17 glasova „suzdržan“).

Na osnovu rezultata glasanja, predsjedavajući je konstatovao da amandmani Kluba Stranke za BiH na Prijedlog zakona o odgoju i obrazovanju u osnovnoj i srednjoj školi u KS, nisu dobili potrebnu većinu (10 glasova „za“, 0 glasova „protiv“ i 15 glasova „suzdržan“).

Potom je predsjedavajući pozvao zastupnike da se izjasne o Prijedlogu zakona.

Na osnovu rezultata glasanja, predsjedavajući je konstatovao da je Skupština većinom glasova donijela Zakon o odgoju i obrazovanju u osnovnoj i srednjoj školi u Kantonu Sarajevo (s 19 glasova „za“, 7 glasova „protiv“ i bez glasova „suzdržan“).

Predsjedavajući je potom prekinuo zasjedanje i obavijestio zastupnike da će biti blagovremeno obaviješteni o nastavku 16. Radne sjednice SKS.

Broj: 01-04-29948/24
09.07.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU DRUGOG NASTAVKA 16. RADNE SJEDNICE SKUPŠTINE KANTONA SARAJEVO ODRŽANE 21.10.2024.GODINE SA POČETKOM RADA U 10,00 SATI

Drugi nastavak 16. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovala 22 zastupnice i zastupnika dok su se ostali priključili u nastavku. Izostanak sa ove sjednice pravdale su zastupnice Vedrana Vujović, Danijela Kristić, Vedrana Vikić Musić. Kašnjenje je najavio zastupnik Ilijaz Pilav. Sjednici nisu prisustvovali zastupnici: Klarić Sanela i Melank Miomirka.

U skladu s naprijed navedenim, prisustvo zastupnika Drugom nastavku 16. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Mehmedagić Mersiha
3. Okerić Elvedin
4. Pobrić Rusmir
5. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo
4. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnim zasjedanjima koja su održana 10.06. i 09.07.2024.godine, obrađeno prvih petnaest tačaka dnevnog reda, tako da ovo zasjedanje počinje s tačkom šesnaest dnevnog reda.

AD-16.

Prijedlog Zakona o registru finansijskih obaveza u Kantonu Sarajevo

Zastupnici su materijal dobili uz poziv za sjednicu. Uvodno izlaganje u ime Predlagača je podnio *ministar finansija, Afan Kalamujić*.

Pitanja za predlagača su imali zastupnici: *Marijela Hašimbegović, Adi Kalem, Faruk Selmanović, Mahir Dević, Muamer Bandić, Admela Hodžić i Elvis Vreto*, na koja im je *ministar Kalamujić* odmah ponudio odgovore.

U diskusiji koja je potom uslijedila učestvovali su sljedeći zastupnici: *Marijela Hašimbegović, Mahir Dević, Faruk Selmanović, Faruk Kapidžić, Muamer Bandić, Rusmir Pobrić, Adi Kalem i Haris Zahiragić*.

U međusobnim replikama učestvovali su sljedeći zastupnici: *Davor Čičić – Marijela Hašimbegović, Damir Marjanović – Marijela Hašimbegović, Mersiha Mehmedagić – Marijela Hašimbegović, Mersiha Mehmedagić – Mahir Dević, Vildana Bešlija – Faruk Kapidžić, Mahir Dević – Vildana Bešlija, Davor Čičić – Faruk Kapidžić, Vildana Bešlija – Mahir Dević, Davor Čičić – Muamer Bandić, Mahir Dević – Rusmir Pobrić, Faruk Kapidžić – Rusmir Pobrić, Muamer Bandić – Rusmir Pobrić, Faruk Kapidžić – Haris Zahiragić, Davor Čičić – Haris Zahiragić, Muamer Bandić – Haris Zahiragić*.

Ispravku krivog navoda imao je zastupnik *Mahir Dević*.

Pred kraj diskusija, predsjedavajući je predložio pauzu za ručak u trajanju od 90 minuta, što bi također dalo dovoljno vremena ministru finansija, da u dogovoru s Vladom KS, pokuša amandmansi djelovati na Prijedlog zakona uzimajući pri tome prijedloge zastupnika koji su se mogli čuti tokom diskusije.

Na osnovu rezultata glasanja, konstatovano je da je Skupština jednoglasno podržala pauzu u trajanju od 90 minuta. (s 20 glasova „za“).

NASTAVAK NAKON PAUZE

U nastavku nakon pauze predsjedavajući je obavijestio zastupnike da je u konsultacijama sa ministrom finansija i svojim zamjenicima odlučeno da se današnje zasjedanje prekine, a da se rasprava ne zaključi, kako bi se dalo vremena ministru Kalamujiću da na Vladi razmotri predložene amandmane još jednom, kao i prijedloge koji su izneseni tokom diskusija, te omogući da se eventualne izmjene mogu unijeti do zaključivanja rasprave. Naglasio je da će zastupnici biti blagovremeno obaviješteni o nastavku zasjedanja.

Broj: 01-04-29948/24
21.10.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVALAČI
SKUPŠTINE KANTONA SARAJEVO

Elvedin Okerić

ZAPISNIK
O RADU TREĆEG NASTAVKA 16. RADNE SJEDNICE SKUPŠTINE KANTONA SARAJEVO ODRŽANE 28.10.2024.GODINE SA POČETKOM RADA U 10,00 SATI

Treći nastavak 16. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovala 22 zastupnice i zastupnika, ostali su se priključili naknadno. Izostanak sa sjednice pravdale su zastupnice Vedrana Vikić Musić, Danijela Kristić i Melank Miomirka.

U skladu s naprijed navedenim, prisustvo zastupnika Trećem nastavku nastavku 16. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Mehmedagić Mersiha
3. Okerić Elvedin
4. Pobrić Rusmir
5. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo
4. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnom zasjedanju koje je održano 21.10.2024.godine u okviru tačke 16. Dnevnog reda, pod nazivom „Prijedlog zakona registru finansijskih obveze u Kantonu Sarajevo“, obradili uvodna izlaganja, postavljanje pitanja i davanje odgovora od strane predlagача, otvorili raspravu i u toku iste je sjednica prekinuta zbog potrebe da se izvrše konsultacije sa Vladom Kantona Sarajevo.

Zaključivši raspravu po ovoj tački, predsjedavajući je dao riječ *ministru finansija, Afanu Kalamujiću* da obrazloži stav Vlade KS po pitanju prijedloga s prethodnog zasjedanja.

Nakon toga se pristupilo izjašnjavanju po amandmanima Kluba Demokratske fronte koji su dostavljeni na tekst Prijedloga zakona.

Na osnovu rezultata glasanja, predsjedavajući je konstatovao da **Skupština nije usvojila (16 glasova „za“ i 8 glasova „suzdržan“)** Amandman I Kluba DF, koji glasi:
„U Članu 13. Prijedloga zakona pod nazivom *Odstupanja podataka izvršiti izmjene teksta, u alineji koja glasi "Registar finansijskih obaveza nije javan" novi tekst "Registar finansijskih obaveza je javan dokument"*.

Na osnovu rezultata glasanja, predsjedavajući je konstatovao da **Skupština nije usvojila (13 glasova „za“ i 14 glasova „suzdržan“)** Amandman II Kluba DF, koji glasi:

„U članu 13. Prijedlog zakona pod nazivom *Odstupanje podataka izvršiti izmjene teksta u alineji koja glas "Ministarstvo nije ovlašteno distribuirati ili objavljivati podatke u njihovom izvornom obliku, niti ustupati bazu podataka bilo kojem fizičkom ili pravnom licu" u novi tekst: "Ministarstvo je ovlašteno distribuirati ili objavljivati podatke u njihovom izvornom obliku i ustupati bazu podataka bilo kojem fizičkom ili pravnom licu na osnovu uspostavljanja zahtjeva"*.

Na osnovu rezultata glasanja, predsjedavajući je konstatovao da **Skupština nije usvojila (9 glasova „za“, 4 glasa „protiv“ i 13 glasova „suzdržan“)** Amandman III Kluba DF, koji glasi:

„U članu 1. Stav (3) Prijedloga zakona u kojim su definisani obveznici unosa podataka, brisati riječi "jedinica lokalne samouprave, kao i javna preduzeća čiji je osnivač jedinica lokalne samouprave u Kantonu Sarajevo, pravna lica u kojima jedinica lokalne samouprave u Kantonu Sarajevo učestvuju sa više od 50 % ukupnog kapitala i provobranilaštva jedinica lokalne samouprave".

Na kraju je predsjedavajući pozvao zastupnike da se izjasne o Prijedlogu navedenog zakona.

*Na osnovu rezultata glasanja konstatovano je da je **Skupština većinom glasova donijela Zakon o registru finansijskih obaveza u Kantonu Sarajevo**, (s 18 glasova „za“, 7 glasova „protiv“ i 4 glasa „suzdržan“).*

Realizacija tačke sedamnaest.

AD-17.

Nacrt Zakona o izmjenama i dopunama Zakona o sudskim taksama

Predsjedavajući je konstatovao da su zastupnici dobili materijal uz poziv za sjednicu, te je dao riječ predstavniku Predlagača, *ministru finansija, Afanu Kalamujiću* da podnese uvodne napomene.

U otvorenoj diskusiji su učestvovali sljedeći zastupnici: *Marijela Hašimbegović i Jasmin Šaljić.*

Kako nije bilo više prijavljenih diskutanata, predsjedavajući je zaključio diskusiju i pozvao zastupnike da se izjasne o prijedlogu Zaključka.

*Na osnovu rezultata glasanja, konstatovano je da je **Skupština većinom glasova po Nacrtu zakona o izmjenama i dopunama Zakona o sudskim taksama donijela sljedeći Zaključak:***

- 1. Utvrđuje se Nacrt zakona o izmjenama i dopunama Zakona o sudskim taksama.*
- 2. Nacrt zakona iz tačke 1. ovog zaključka stavlja se na javnu raspravu.*
- 3. Učesnici u javnoj raspravi su kantonalni organi uprave i jedinice lokalne samouprave, kantonalne ustanove i javna preduzeća, Općinski sud u Sarajevu, Kantonalni sud u Sarajevu, Ekonomsko socijalno vijeće za područje Kantona Sarajevo, naučne i stručne ustanove, a trajat će 30 dana.*
- 4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo putem Ministarstva finansija Kantona Sarajevo, koje organizuje i provodi javnu raspravu.*
- 5. Vlada Kantona Sarajevo dužna je nakon provedene javne rasprave Skupštini Kantona Sarajevo dostaviti Prijedlog zakona o izmjenama i dopunama Zakona o sudskim taksama, vodeći računa o primjedbama, prijedlozima, sugestijama i mišljenjima kroz izvještaj o javnoj raspravi.*
- 6. Ovaj zaključak stupa na snagu danom donošenja.*

(s 24 glasa „za“, 1 glas „protiv“ i 4 glasa „suzdržan“)

Realizacija tačke osamnaest.

AD-18.

Prijedlog odluke o usvajanju Programa uređenja građevinskog zemljišta i realizacije kapitalnih investicija za 2024. godinu

Zastupnici su materijal dobili uz poziv za sjednicu. Uvodno izlaganje u ime Predlagača je podnijela *direktorica Zavoda za izgradnju KS, Belma Barlov.*

Pitanja za direktoricu Barlov su imali zastupnici: *Faruk Kapidžić, Marijela Hašimbegović, Muamer Bandić, Adi Kalem i Jasmin Šaljić*, na koja im je odmah ponuđen odgovor.

U otvorenoj diskusiji učešće su uzeli zastupnici: *Faruk Kapidžić i Faruk Selmanović.*

Zaključivši diskusiju, predsjedavajući je pozvao zastupnike da pristupe izjašnjavaњу o Prijedlogu odluke.

Na osnovu rezultata glasanja, predsjedavajući je konstatovao da je Skupština većinom glasova donijela Odluku o usvajanju Programa uređenja građevinskog zemljišta, realizacije kapitalnih investicija za 2024. godinu, (s 21 glas „za“, 2 glasa „protiv“ i 5 glasova „suzdržan“).

Realizacija tačke devetnaest dnevnog reda.

AD-19.

Informacija Komisije za sigurnost Skupštine Kantona Sarajevo u vezi sa predmetom Ammar Kapidžić

Zastupnici su materijal dobili uz poziv za sjednicu.

U ime Predlagača ove tačke, Komisije za sigurnost Skupštine KS, uvodne napomene je podnio *predsjedavajući Komisije, Elvedin Okerić.* Potom je dao riječ članu uže porodice, bratu ubijenog, *Nedimu Kapidžiću*, da se obrati zastupnicima.

Predstavniku predlagača su postavili pitanja sljedeći zastupnici: *Muamer Bandić, Marijela Hašimbegović, Redžo Lemezan, Vedrana Vujović, Faruk Selmanović*, na koja su im *predsjedavajući Okerić i gost Nedim Kapidžić* odmah ponudili odgovore.

U diskusiji koja je potom uslijedila učestvovali su zastupnici: *Jasmin Šaljić, Vedrana Vujović, Redžo Lemezan, Samir Avdić, Elvis Vreto, Muamer Bandić, Arijana Memić, Aljoša Čampara i Muamer Bandić.*

Po zaključivanju diskusija, predsjedavajući je zamolio zastupnike da se napravi kraća pauza, te pozvao sve zainteresovane u salu za sastanke kako bi zajednički formulisali najkvalitetniji zaključak o kojem će se Skupština izjasniti.

NASTAVAK NAKON PAUZE

U nastavku nakon pauze, predsjedavajući je obavijestio zastupnike da su na osnovu prethodnih diskusija i dogovora svih zainteresovanih uspjeli da sačine Zaključak koji se predlaže Skupštini na razmatranje i usvajanje, a koji glasi:

„Skupština Kantona Sarajevo zadužuje Komisiju za sigurnost Skupštine Kantona Sarajevo da u skladu sa Zakonom o unutrašnjim poslovima Kantona Sarajevo („Službene novine Kantona Sarajevo“, br. 1/16, 6/19 - autentično tumačenje, 26/19, 31/19 i 39/20), provede skupštinski nadzor nad zakonitošću rada Uprave policije Ministarstva unutrašnjih poslova Kantona Sarajevo o eventualnim propustima u slučaju ubistva Ammara Kapidžića koje se desilo 08.06.2019.godine, kako je to navedeno u podnesku punomoćnice porodice Kapidžić od 02.03.2021.godine, te izvještaj o izvršenom nadzoru dostavi Skupštini Kantona Sarajevo“.

Na osnovu rezultata glasanja, konstatovano je da je **Skupština jednoglasno donijela gore navedeni Zaključak** (s 28 glasova „za“).

Potom je predsjedavajući predložio pauzu za ručak u trajanju od 75 minuta, koju su zastupnici jednoglasno podržali. (27 glasova „za“)

NASTAVAK NAKON PAUZE

Realizacija tačke dvadeset.

AD-20.

Prijedlog odluke o davanju saglasnosti Upravi policije Ministarstva unutrašnjih poslova Kantona Sarajevu da prenese pravo vlasništva nad opremom 40 pištolja 90 mm koji se ne koriste na Upravu policije Ministarstva za unutrašnje poslove Bosansko-podrinjskog Kantona Goražde, bez naknade

Zastupnici su materijal dobili uz poziv za sjednicu. Uvodno izlaganje u ime Predlagača je podnio *Tarik Kršlak, sekretar Ministarstva unutrašnjih poslova KS.*

Pitanja za predstavnika Predlagača su imali zastupnici *Muamer Bandić i Mahir Dević*, na koja im je *sekretar Ministarstva Kršlak* odmah ponudio odgovor.

U diskusiji su učestvovali zastupnici: *Mahir Dević, Redžo Lemezani, Haris Zahiragić, Muamer Bandić, Jasmin Šaljić i Haris Zahiragić.*

Ispravku krivog navoda su imali zastupnici: *Elvedin Okerić, Haris Zahiragić, Mahir Dević, Elvedin Okerić, Muamer Bandić, Belma Kapo i Muamer Bandić.*

U međusobnom repliciranju su učestvovali zastupnici: *Elvedin Okerić – Mahir Dević, Samir Avdić – Mahir Dević, Muamer Bandić – Elvedin Okerić, Mahir Dević – Redžo Lemezani, Elvedin Okerić – Haris Zahiragić i Aljoša Čampara – Haris Zahiragić.*

Poslovničku intervenciju je imala zastupnica *Belma Kapo.*

Po zaključivanju diskusija, predsjedavajući je pozvao zastupnike da se izjasne o Prijedlogu odluke.

Na osnovu rezultata glasanja, konstatovano je da je **Skupština jednoglasno donijela Odluku o davanju saglasnosti Upravi policije Ministarstva unutrašnjih poslova Kantona Sarajevu da prenese pravo vlasništva nad opremom 40 pištolja 90 mm koji se ne koriste na Upravu policije Ministarstva za unutrašnje poslove Bosansko-podrinjskog Kantona Goražde, bez naknade** (25 glasova „za“).

Na zahtjev Kluba SDA predsjedavajući je dao polusatnu pauzu.

NASTAVAK NAKON PAUZE

Realizacija tačke dvadeset i jedan.

AD- 21.

Izvještaj o poslovanju Javnih ustanova iz oblasti socijale za 2023. godinu:

- a) Izvještaj o poslovanju Javne ustanove „Terapijska zajednica - Kampus Kantona Sarajevo“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- b) Izvještaj o poslovanju Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- c) Izvještaj o poslovanju Kantonalne javne ustanove „Odgojni centar Kantona Sarajevo“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- d) Izvještaj o poslovanju Javne ustanove „Kantonalni centar za socijalni rad“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- e) Izvještaj o poslovanju Kantonalne javne ustanove „Porodično savjetovalište“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- f) Izvještaj o poslovanju Kantonalne javne ustanove „Dom za djecu bez roditeljskog staranja“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- g) Izvještaj o poslovanju Kantonalne javne ustanove „Gerontološki centar“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;
- h) Izvještaj o poslovanju Javne ustanove „Služba za zapošljavanje Kantona Sarajevo“ za 2023. godinu (Izvještaj o radu sa Izvještajem o finansijskom poslovanju za 2023. godinu) sa priložima;

Predsjedavajući je pozvao predstavnike Javnih ustanova da podnesu uvodne napomene, što su učinili sljedeći:

Adis Hadžić (direktor JU Terapijska zajednica Kampus KS), Hazim Durmišević (direktor KJU Dom za socijalno zdravstveno, zbrinjavanje osoba s invaliditetom i drugih osoba), Midhat Kerla (direktor KJU Odgojni centar), Draženka Osmanspahić (v.d. KJU Kantonalni centar za socijalni rad), Osman Šaljo (direktor KJU Porodično savjetovalište), Muhamed Musić (direktor JU "Dom za djecu bez roditeljskog staranja"), Mirza Musa (direktor JU Gerontološki centar), Amina Džonlagić (direktorica JU Služba za zapošljavanje KS).

Pitanja za predstavnike Javnih institucija su imali zastupnici: *Jelena Pekić, Mersiha Mehmedagić, Vedrana Vujović, Jasmin Šaljić, Muamer Bandić, Elza Gaković, Hašimbegović, Mahir Dević, Adi Kalem i Davor Čičić.*

Predsjedavanje sjednicom nakratko je preuzela dopredsjedavajuća Jelena Pekić, koja je zamolila predstavnike Javnih ustanova, koji su imali pitanja od zastupnika, da ponude odgovore, što su učinili: *Adis Hadžić, Hazim Durmišević, Midhat Kerla, Draženka Osmanspahić, Osman Šaljo, Muhamed Musić, Mirza Musa, Amina Džonlagić, te na kraju pomoćnik ministrice za socijalnu politiku, Nurija Hodžić.*

Predsjedavajući Okerić je obavijestio zastupnike da je u dogovoru sa svojim zamjenicima, odlučeno da se ovo zasjedanje prekine, te nastavi u dogledno vrijeme.

Prije no što je zaključio zasjedanje, predsjedavajući je upoznao zastupnike da je Skupština KS zaprimila Rješenje Ustavnog suda F BiH, broj: U-58/23 od 02.10.2024.godine, kojim se obustavlja postupak po zahtjevu jedne trećine poslanika u Skupštini Kantona Sarajevo za ocjenu ustavnosti postupka usvajanja Zakona o izmjenama i dopunama Zakona o Vladi KS.

Broj: 01-04-29948/24
21.10.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU ČETVRTOG NASTAVKA 16. RADNE SJEDNICE SKUPŠTINE KANTONA SARAJEVO ODRŽANE 15.11.2024.GODINE SA POČETKOM RADA U 10,00 SATI

Četvrti nastavak 16. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 20 zastupnica i zastupnika dok su se ostali priključili u nastavku. Izostanak sa sjednice su pravdali zastupnici Sebija Izetbegović, Ilijaz Pilav i Adi Kalem. Kašnjenje je najavila zastupnica Elza Gaković.

Sjednici nisu prisustvovali zastupnici: Sanela Klarić, Miomirka Melank i Kristina Petrović.

U skladu s naprijed iznesenim, prisustvo zastupnika Četvrtom nastavku 16. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kapidžić Faruk
3. Selmanović Faruk
4. Viteškić Smiljana
5. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Vikić Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor

STRANKA ZA BOSNU I HERCEGOVINU

1. Bandić Muamer
2. Gavrankapetanović – Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo
4. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da su na prethodnom zasjedanju koje je održano 28.10.2024 godine, u okviru tačke 21. Dnevnog reda pod nazivom „Izvještaj o poslovanju javnih ustanova iz oblasti socijale za 2023 godinu“, obradili uvodna izlaganja, postavljanje pitanja, davanje odgovora od strane predlagača, te da je dio rasprave također otvoren i zastupnici su diskutovali, a s obzirom da rasprava još nije zaključena, predsjedavajući je pozvao prvog prijavljenog zastupnika da diskutuje.

U nastavku diskusija su učestvovali zastupnici: *Muamer Bandić, Mahir Dević, Jelena Pekić i Redžo Lemezani*.

Ispravku krivog navoda su koristili zastupnici: *Mahir Dević i Muamer Bandić*.

U međusobnim replikama su učestvovali zastupnici: *Muamer Bandić – Jelena Pekić, Mahir Dević – Jelena Pekić, Mahir Dević – Redžo Lemezani, Muamer Bandić – Redžo Lemezani, Davor Čičić- Muamer Bandić*.

U toku diskusija predsjedavanje sjednicom je nakratko preuzela *dopredsjedavajuća Jelena Pekić*, koja je na prijedlog zastupnika predložila pauzu za ručak u trajanju od dva sata, što su zastupnici jednoglasno podržali. (20 „za“).

NASTAVAK NAKON PAUZE

U nastavku nakon pauze predsjedavajući Okerić je dao riječ narednom prijavljenom zastupniku za diskusiju.

U nastavljenju diskusiji su učestvovali zastupnici: *Faruk Selmanović, Belma Kapo, Elza Gaković, Marijela Hašimbegović, Muamer Bandić, Elza Gaković i Marijela Hašimbegović*.

U međusobnim replikama su učestvovali zastupnici: *Muamer Bandić – Belma Kapo, Muamer Bandić – Elza Gaković, Elvedin Okerić – Muamer Bandić, Haris Zahiragić – Elvedin Okerić, Davor Čičić – Haris Zahiragić, Muamer Bandić – Davor Čičić, Jelena Pekić – Haris Zahiragić, Faruk Kapidžić – Elvedin Okerić.*

Nakon što su iscrpljene sve diskusije, predsjedavajući je pozvao zastupnike da se izjasne o Izvještajima o poslovanju Javnih ustanova iz socijale.

Na osnovu rezultata glasanja, predsjedavajući je konstatovao da je Skupština jednoglasno usvojila o poslovanju Javne ustavne Terapijska zajednica Kampus Kantona Sarajevo za 2023. godinu (s 25 glasova „za“).

Na osnovu rezultata glasanja, predsjedavajući je konstatovao da je Skupština jednoglasno usvojila Izvještaj o poslovanju Kantonalne javne ustanove Dom za socijalno zdravstveno zbrinjavanje osoba sa invaliditetom i drugih osoba za 2023. godinu (s 25 glasova „za“).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o poslovanju Kantonalne javne ustanove Odgojni centar Kantona Sarajevo za 2023. godinu (s 23 glasa „za“ i 2 glasa „protiv“).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o poslovanja Javne ustanove Kantonalni centar za socijalni rad za 2023. godinu (s 23 glasa „za“ i 2 glasa „protiv“).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o poslovanju Kantonalne javne ustavne Porodično savjetovalište za 2023 godinu. (s 23 glasa „za“ i 2 glasa „protiv“).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o poslovanju Kantonalne javne ustanove Dom za djecu bez roditeljskog staranja za 2023. godinu (s 23 glasa „za“ i 2 glasa „protiv“).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o poslovanju Kantonalne javne ustanove Gerontološki centar za 2023. godinu (s 23 glasa „za“ i 1 glas „protiv“ i 1 glas „suzdržan“).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o poslovanju Javne ustavne Služba za zapošljavanje Kantona Sarajevo za 2023. godinu (s 20 glasova „za“ i 2 glasa „protiv“ i 2 glasa „suzdržan“).

Potom se prešlo na realizaciju tačke dvadeset i dva.

AD-22.

PRIJEDLOZI ODLUKA O DAVANJU SAGLASNOST NA PROGRAM RADA SA FINANCIJSKIM PLANOVIMA ZA 2024. GODINU JAVNIH USTANOVA IZ OBLASTI SOCIJALE.

- a) Prijedlog Odluke o davanju saglasnosti na Program rada i Finansijski plan Kantonalne javne ustanove „Porodično savjetovalište“ za 2024. godinu;*
- b) Prijedlog Odluke o davanju saglasnosti na Program rada i Finansijski plan Kantonalne javne ustanove „Dom za djecu bez roditeljskog staranja“ za 2024. godinu;*
- c) Prijedlog Odluke o davanju saglasnosti na Program rada i Finansijski plan Javne ustanove „Kantonalni centar za socijalni rad“ za 2024. godinu;*
- d) Prijedlog Odluke o davanju saglasnosti na Program rada i Finansijski plan Javne ustanove „Terapijska zajednica - Kampus Kantona Sarajevo“ za 2024. godinu;*

- e) *Prijedlog Odluke o davanju saglasnosti na Program rada i Finansijski plan Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ za 2024. godinu;*
- f) *Prijedlog Odluke o davanju saglasnosti na Program rada i Finansijski plan Kantonalne javne ustanove „Gerontološki centar“ za 2024. godinu;*
- g) *Prijedlog Odluke o davanju saglasnosti na Program rada i Finansijski plan Kantonalne javne ustanove „Odgojni centar Kantona Sarajevo“ za 2024. godinu;*
- h) *Prijedlog Odluke o davanju saglasnosti na Program rada Javne ustanove „Služba za zapošljavanje Kantona Sarajevo“ za 2024. godinu.*

Zastupnici su materijal dobili uz poziv za sjednicu. Predsjedavajući je zamolio predstavnike javnih ustanova da podnose koncizne uvodne napomene, jer ima dosta uvodničara.

U ime Predlagača obratili su se sljedeći uvodničari: *Osman Šaljo (direktor KJU Porodično savjetovalište), Muhamed Musić (direktor JU "Dom za djecu bez roditeljskog staranja"), Draženka Osmanspahić (v.d. KJU Kantonalni centar za socijalni rad), Adis Hadžić (v.d. direktor JU Terapijska zajednica Kampus KS), Hazim Durmišević (direktor KJU Dom za socijalno zdravstveno, zbrinjavanje osoba s invaliditetom i drugih osoba), Mirza Musa (direktor JU Gerontološki centar), Midhat Kerla (direktor KJU Odgojni centar), Mahir Lokvančić (Služba za zapošljavanje KS).*

Dopredsjedavajuća Jelena Pekić je u međuvremenu preuzela vođenje sjednice, te je otvorila mogućnost za postavljanje pitanja.

Pitanja za predlagača su imali zastupnici: *Marijela Hašimbegović, Samir Avdić, Jasmin Šaljić i Vedrana Vujović.* Odgovore su im ponudili predstavnici ustanova istim redoslijedom kako su i podnosili uvodne napomene.

Dopredsjedavajuća Jelena Pekić je zatim otvorila diskusiju u kojoj su učestvovali sljedeći zastupnici: *Marijela Hašimbegović, Elza Gaković i Muamer Bandić.*

Obzirom da nije bilo više prijavljenih diskutanata, predsjedavajući Okerić je zaključio diskusije i pozvao zastupnike da pristupe izjašnjavaњу o programima rada Javnih ustanova iz oblasti socijale.

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada i finansijski plan Kantonalne javne ustanove Porodično savjetovalište za 2024. godinu (s 21 glas „za“ i 2 glasa „suzdržan“).

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada i finansijski plan Kantonalne javne ustanove Dom za djecu bez roditeljskog staranja za 2024. godinu (s 21 glas „za“ i 2 glasa „suzdržan“).

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada i finansijski plan Javne ustanove Kantonalni centar za socijalni rad za 2024. godinu (s 20 glasova „za“ i 2 glasa „suzdržan“).

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada i finansijski plan Javne

ustanove Javne ustanove Terapijska zajednica Kampus Kantona Sarajevo za 2024.godinu (s 21 glas „za“ i 2 glasa „suzdržan“).

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada i finansijski plan Javne ustanove Terapijska zajednica Kampus Kantona Sarajevo za 2024.godinu (s 21 glas „za“ i 2 glasa „suzdržan“).

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada i finansijski plan Javne ustanove Dom za socijalno i zdravstveno zbrinjavanje osoba sa invaliditetom i drugih osoba za 2024. godinu. (s 20 glasova „za“ i 2 glasa „suzdržan“).

Na osnovu rezultata glasanja, predsjedavajući je konstatovao da Skupština većinom glasova donijela Odluku o davanju saglasnosti na Program rada i finansijski plan Kantonalne javne ustanove Gerontološki centar za 2024 godinu (s 20 glasova „za“ i 3 glasa „suzdržan“).

Na osnovu rezultata glasanja, predsjedavajući je konstatovao da Skupština većinom glasova donijela Odluku o davanju saglasnosti na Program rada i finansijski plan Kantonalne javne ustanove Odgojni centar Kantona Sarajevu za 2024. godinu (s 20 glasova „za“ i 3 glasa „suzdržan“).

Na osnovu rezultata glasanja, predsjedavajući je konstatovao da je Skupština većinom glasova donijela Odluku o davanju saglasnosti na Program rada Javne ustanove Služba za zapošljavanje Kantona Sarajevo za 2024. godinu (s 21 glas „za“ i 2 glasa „suzdržan“).

Zatim se prešlo na realizaciju tačke dvadeset i tri.

AD-23.

IZVJEŠTAJI O RADU I FINANSIJSKOM POSLOVANJU JAVNIH USTANOVA IZ OBLASTI KULTURE ZA 2023. GODINU:

- a) *Izveštaj o radu i finansijskom poslovanju Javne ustanove „Kamerni teatar 55“, Sarajevo za 2023. godinu;*
- b) *Izveštaj o radu i finansijskom poslovanju Javne ustanove „Collegium artisticum“, Sarajevo za 2023. godinu;*
- c) *Izveštaj o radu i finansijskom poslovanju Javne ustanove Muzej „Alija Izetbegović“, Sarajevo za 2023. godinu;*
- d) *Izveštaj o radu i finansijskom poslovanju Javne ustanove „Historijski arhiv Sarajevo“ za 2023. godinu;*
- e) *Izveštaj o radu i finansijskom poslovanju Javne ustanove „Muzej Sarajeva“ za 2023. godinu;*
- f) *Izveštaj o radu i finansijskom poslovanju Javne ustanove „MES – Međunarodni teatarski festival – Scena MESS“ za 2023. godinu;*
- g) *Izveštaj o radu i finansijskom poslovanju Javne ustanove „Pozorište mladih Sarajevo“ za 2023. godinu;*
- h) *Izveštaj o radu i finansijskom poslovanju Javne ustanove „Sarajevska filharmonija“ za 2023. godinu;*
- i) *Izveštaj o radu i finansijskom poslovanju Javne ustanove „Biblioteka Sarajevo“ za 2023. godinu;*
- j) *Izveštaj o radu i finansijskom poslovanju Javne ustanove „Narodno pozorište“, Sarajevo za 2023. godinu;*

- k) *Izveštaj o radu i finansijskom poslovanju Javne ustanove „Sarajevski ratni teatar - SARTR“ za 2023. godinu;*
- l) *Izveštaj o radu i finansijskom poslovanju Javne ustanove „Kantonalni zavod za zaštitu kulturno-historijskog i prirodnog naslijeđa, Sarajevo“ za 2023. godinu;*
- m) *Izveštaj o radu i finansijskom poslovanju Javne ustanove Bosanski kulturni centar Kantona Sarajevo za 2023. godinu.*

Zastupnici su materijal dobili uz poziv za sjednicu.

Uvodna izlaganje u ime Predlagača su podnijeli predstavnici Javnih ustanova iz oblasti kulture, kako slijedi: *Senad Alihodžić (direktor Kamernog teatra 55 Sarajevo), Elvedin Poturak (direktor JU Collegium artisticum), Nervan Dizdar (kustos u JU Muzej Alija Izetbegović), Ismeta Džigal - Berkovac (direktorica JU Historijski arhiv Sarajevo), Indira Kučuk Sorguč (direktorica JU Muzej Sarajevo), Nihad Kreševljaković (direktor JU MESS), Vedran Tuće (direktor JU Sarajevska filharmonije), Ismir Fazlić (direktor JU Pozorište mladih Sarajevo), Merima Lendo (direktorica JU Biblioteke Sarajevo), Edina Gajević Dević (predstavica JU Narodno pozorište Sarajevo), Maja Burazerović (direktorica JU SARTR), Boris Trapara (direktor JU Zavod za zaštitu kulturno-historijskog i prirodnog naslijeđa KS) i Jasmin Duraković (direktor BKC Sarajevo).*

Zastupnik Samir Avdić se obratio kao predstavnik radnih tijela, odnosno Komisije za zaštitu kulturnog naslijeđa i Komisije za kulturu i sport, te obavijestio zastupnike da su članovi obje Komisije jednoglasno podržali izvještaje ustanova iz oblasti kulture.

Pitanja za predstavnike Javnih ustanova imali su zastupnici: *Jasmin Šaljić, Marijela Hašimbegović, Vedrana Vujović i Muamer Bandić*, na koja su im odmah ponudili odgovore: *Elvedin Poturak, Merima Lendo i ministar Kenan Magoda.*

U međuvremenu je predsjedavanje sjednicom nakratko preuzeo dopredsjedavajući Vibor Handžić, koji je otvorio raspravu u kojoj su učestvovali zastupnici: *Jasmin Šaljić, Marijela Hašimbegović, Samir Avdić, Haris Zahiragić, Damir Marjanović, Muamer Bandić i Davor Čičić.*

U međusobnom repliciranju su učestvovali zastupnici: *Samir Avdić – Haris Zahiragić, Haris Zahiragić – Damir Marjanović.*

U toku diskusija, predsjedavanje sjednicom je nakratko preuzela dopredsjedavajuća Jelena Pekić, koja je po iscrpljenoj listi prijavljenih za diskusiju, istu zaključila i dala pauzu u trajanju od deset minuta.

NASTAVAK NAKON PAUZE

U nastavku nakon pauze predsjedavajući Elvedin Okerić je uz konsultaciju sa svojim zamjenicima prekinuo ovo zasjedanje i najavio nastavak sjednice u dogledno vrijeme.

Broj: 01-04-29948/24
15.11.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU PETOG NASTAVKA 16. RADNE SJEDNICE SKUPŠTINE KANTONA SARAJEVO ODRŽANE 26.11.2024.GODINE SA POČETKOM RADA U 09,00 SATI

Peti nastavak 16. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 25 zastupnica i zastupnika, dok su se ostali priključili u toku zasjedanja. Izostanak sa sjednice opravdala je zastupnica: Elza Gaković.

U skladu s naprijed iznesenim, prisustvo zastupnika Petom nastavku 16. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Hodžić Admela
2. Lemezani Redžo
3. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnom zasjedanju, koje je održano 15.11.2024. godine u okviru tačke 23. Dnevnog reda pod nazivom „Izveštaj o radu i finansijskom poslovanju Javnih ustanova iz oblasti kulture za 2023. godinu“, obradili uvodna izlaganja, postavljajući pitanja, davanju odgovora od strane predlagaca, proveli diskusiju i istu zaključili. Sjednica je prekinuta prije izjašnjavanja tako da se prešlo na izjašnjenje po podtačkama.

Na osnovu rezultata glasanja, predsjedavajući je konstatovao da je Skupština većinom glasova usvojila Izveštaj o radu i finansijskom poslovanju Javne ustanove „Kamerni teatar 55“, Sarajevo za 2023. godinu, (s 21 glas „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izveštaj o radu i finansijskom poslovanju Javne ustanove „Collegium artisticum“, Sarajevo za 2023. godinu, (s 21 glas „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izveštaj o radu i finansijskom poslovanju Javne ustanove Muzej „Alija Izetbegović“, Sarajevo za 2023. godinu, (s 21 glas „za“ i 5 „suzdržanih“ glasova).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove „Historijski arhiv Sarajevo“ za 2023. godinu, (s 21 glas „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove Muzej Sarajevo za 2023. godinu, (s 21 glas „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove „MES – Međunarodni teatarski festival – Scena MESS“ za 2023. godinu, (s 21 glas „za“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove Pozorište mladih za 2023. godinu, (s 22 glasa „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove „Sarajevska filharmonija“ za 2023. godinu, (s 22 glasa „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove „Biblioteka Sarajevo“ za 2023. godinu, (s 22 glasa „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove Narodno pozorište Sarajevo za 2023 godinu, (s 22 glasa „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove „Sarajevski ratni teatar - SARTR“ za 2023. godinu, (s 22 glasa „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu i finansijskom poslovanju Javne ustanove „Kantonalni zavod za zaštitu kulturno-historijskog i prirodnog naslijeđa, Sarajevo“ za 2023. godinu, (s 22 glasa „za“, 1 glas „protiv“ i 4 „suzdržana“ glasa).

Na osnovu rezultata glasanja, predsjedavajući je konstatovao da je Skupština većinom glasova usvojila Izvještaj o radu finansijskom poslovanju Javne ustanove Bosanski kulturni centar Kantona Sarajevo za 2023. godinu, (s 22 glasa „za“, 1 glas „protiv“ i 4 „suzdržana“ glasa).

Predsjedavajući je nakon toga zaključio rad na 16. Radnoj sjednici Skupštine Kantona Sarajevo, te se zahvalio zastupnicima i predstavnicima institucija kulture.

Broj: 01-04-29948/24
26.11.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO
Aida Zeković

PREDSJEDAVAJUĆI
SKUPŠTINE KANTONA SARAJEVO
Elvedin Okerić

- 0 -

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.